

豹軒詩鈔


67-538



67  
38



始



豹軒詩鈔卷十三

北越 鈴木虎雄 撰

昭和八年癸酉 五十六歲




留宿東京學士會館逢生日作  
館在神田區錦町一月十八日

錦街爲客值生辰回憶當年庭訓頻無限今宵風樹感  
講經明日入楓宸

癸酉講書始儀蒙命充漢書進講官入宮途上

作九月十日

日上觚稜映雪峰城垣老樹綠重重春風扶轂朝天闕  
殿外五雲依舊濃



鳳凰房講詩周頌思文篇書懷二首

歲首經筵召小臣榻前敷奏及安民陳常播穀周先稷  
道合司徒惇五倫

西雍稽古鬢華新豈意安車徵紫宸周頌一篇陳大義  
終慙無補 聖皇仁

退朝有感

重拜天恩饌玉堂卿傳賜帛出宮筐微軀沒世無遺憾  
由事斯文謁我 皇

告廟

告廟事成披我衷朝衣始退紫宸宮父兄泉下應含笑  
阿虎當年猶阿蒙

和高橋翠村

茂一翁春詠次韻八十平日好釣

車馬亦為魚躍聲釣歸堂上笑持觥磻溪遺意君真得  
誰道散疏空半生

紫明閣卽事

二月二十六日社集是日探梅議發

城居平日憶山林牖底難甘擁鼻吟月瀨探梅須趁早  
疎花臨水趣尤深

月瀨觀梅

三月十二日社友同往

竝走羣山轉峽門北來一水乍西奔香雲不動梅花國  
銀雪平封月瀨村椽筆闌幽思往事草鞋探勝到仙源  
賞遊無發腸枯歎鐵骨冰心為返魂

梅溪山亭

綴玉槎牙萬木羣依崖傍澗白氤氳天含素豔元非月  
地吐清香卻是雲鶴影翻時煙有迹笛聲吹處水生文

恍然佇立孤亭畔十六溪村已夕曛

月瀨觀梅絕句七首

貪看好景步遲遲雪與梅花兩得宜銀世界包香世界

四山晴色照鬚眉

尾山山行

幔亭騁望臥峰頭屈曲寒川乙字流不悟泛身花氣白

月明疑入剡溪舟

祝谷幔亭

月瀨觀梅興可乘雪中過寺訪山僧百年題壁文章爛

雅俗人皆說賴藤

過三學院賴藤言山陽拙堂

羊腸下坂向溪流梅樹高低香自幽圓轉鶯歌如喚我

一聲一步一回頭

鶯谷九折坂

峽裡溪梅梅裡天飛樓閒坐小神仙身涵花氣同芳浴

蘭麝香流衣袂邊

浴花亭

隔岸奇峰鬼削成潺湲不斷澗泉聲前林忽送梅花氣

斜日香風踏雪行

溪行至桃野

桃野村邊雪深淺竹林渡上月黃昏松梢鶴返人猶未

遠寺鐘殘各閉門

竹林渡

伊賀上野二首

數畝園林俳聖居梅花映戶世塵疎猶思月下聽秋夕

滿耳蟲聲繞砌除

芭蕉翁養蟲庵

復讎今古說伊州劍擊跡明達路頭十一凶銷土花紫

松林如髮鬼啾啾

渡邊荒木二士復讎古跡在鍵屋辻

彥嶽兄十五年祭日賦奠四首

四月二日

十五年前哭阿兄夢醒中夜幾吞聲後來喪仲兼喪母

無奈隻身投老情

講經正月入金門哭女前冬拭淚痕長女去年十月五日逝

吉凶相倚伏欲將命數問英魂

風搖破屋雨壞牆苦憶母兄相對傷今日修基俱不見

徒教燕雀賀新堂時村宅新屋築成

阿脩奉檄指歐天脩也官命將赴瑞西一事胸中聊釋然地下有

靈定同喜煙濤萬里護樓船

翠村先生惠寄詩篇奉酬

聖德文明養教全廟堂多俊野無賢小臣啓沃知非分

濫執葩經上講筵

癸酉天長節例赴大學講堂拜 聖容書懷

深拜 眞容久鞠躬猶之歲首謁宸宮小臣獻壽非常

願及見亞洲歸大同

奈良公園五月七日

坡陀祠苑倚林邱芳草如煙翠欲浮隊隊遊人相喚去

紫藤花下鹿呦呦

春日祠紫藤

丹桷照廊流水清神巫舞袖鐸鈿鈿祠前拜罷瞻雲際

杉杪藤懸紫綵纓

祠後寄生木

四海誰言猶一家觸蠻爭鬪太紛譁幾時能及寄生木

七種相依著葉花

大佛鐘

日照平邱樹色濃伽藍金碧映青峰胡人亦解饒詩趣

大佛殿東花裡鐘英國詩人肖翁激賞鐘聲云

初瀨寺賞牡丹

井幹樓高擁疊巒天香國色倚雕闌唐宮閨苑知非遠  
翡翠屏中錦繡壇

寺後白藤花

藤蔓槎牙佛殿傍池前百步已聞香蝶蜂團結無逃路  
英玉垂垂八尺長

定家俊成墓在寺境

滿園狂醉牡丹春寂寞山蹊碧草新一種陰崖喬木下  
夕陽誰弔兩歌人

安然塔

塔在大津長等山高觀入唐時所將來

安然學元慶八年敕為元慶寺座主任法阿僧  
正而學元慶八年敕為元慶寺座主任法阿僧  
關梨著悉曇藏八卷支那舊籍皆稱反切于  
魏孫炎而安然悉曇藏獨曰始子應劭其文甚

詳予故感而賦此  
五月二十八日

長等山頭留墓田陰崖提樹已千年憑君反切知應劭  
免說當塗孫叔然

三井寺眺望

湖山陰翳渺風煙遠樹浮空地似天近浦猶餘殘照在  
白帆影落石欄前

自片原街移居相國寺東鄰作六月二十日

八年棲息掃塵蹤亦得幽居鄰巷逢無改詩書南面樂  
熟知樹竹北牕容新居係神宅鉤簾待上清溪月敲枕要  
聞蕭寺鐘豈獨入樓山翠好臨園高臥倒看松

附錄諸家和作

高瀨惺軒云孟母三遷貽逸蹤豹容軒移宅與痕之東  
千篇立就心閒適百紙揮毫意從容起看一痕之東



嶺月坐聞西寺萬年鐘公餘接

客兼應事時又盤桓撫古松

高坂超然云得閒一枕詩興自雍容福如斯豈易逢

樹際鳥聲常悅樂几邊托興自雍容福如斯豈易逢

階竹俗念應消午夜鐘下是嘉蹤出入隱雙賢前生後

節仰高松又云萬年山鐘然草木舊時容彌天倚光

逢不改庭園今日禪寺鐘引客閒談風雅事倚光

吟窗月徹底高寒禪寺鐘引客閒談風雅事倚光

遙指嶺

青木柏里斐華云名利連綿詩客蹤原注謂絕海天

臨大典諸公卜鄰知似舊朋逢張廬不許荒蕪沒陶

室猶甘雙膝容五月薰風新拂席六尺清韻

近聞鐘尤欽退食閒吟處臥看欄前百尺松

戲詠豬 六月

爪蹄害圃獵師聞一發彈丸響澗雲可笑怯豬相糾集  
奇聲欲誘鳳凰羣

孤山惠臺灣巴排椰果 七月二十八日

松脂薰徹南瓜肉遠望葉陰涼已多真味忽從臺島到

當年繫纜憶星坡 予航歐時至此新

贈竹內清齋 源太郎丹波人 步羽峰南摩氏琉璃

溪詩原韻

天下處處藏幽奇幾人能發祕奧姿琉璃水石雖奇絕  
溪山文章有合離丹州雅士竹清齋手執禿毫管一枝  
卅年稱說動官府勝區一定舉世知吾徒來遊當夏日  
跋涉澗崖各賦詩水懸巖秀天造妙柳記元銘此兼之  
唐元結有涪溪諸銘請待深秋錦樹美再來逍遙溪之  
涓

遊琉璃溪作 七月十六日行

煙霞性癖好探奇夢寐不忘溪山姿自聞琉璃饒勝槩  
吟魂飛動神迷離此日來遊沿崖澗足躡巖角手攀枝

石廩投擲懸川注激湍成雷天不知岸樹蒼鬱白日暗  
琪花瑤草難入詩琉璃山鳥時一叫鸞翬椒魚何所之  
安得長往幽林下隨意行歌清溪湄

琉璃溪十二勝

溪在京都府船井郡西本梅村  
昭和七年十月內務省指定列

之  
勝區名

洞門噴瀑雪上有萬尋崖潭水涵秋影皆疑錦繡埋  
繡錦

峽窄巖重疊流懸風怒號似開生死路快下鬼神刀  
刀快

衆水爭孤柱潭題龍軻名人言勢相似秦政避荆卿  
軻龍

隱見虹光白誰言蚪飲泉素持行雨力澗底勿貪眠  
蚪渴

澗

敬愛如賓主雌雄比配長慎休雙戰野野戰血玄黃  
龍雙

淵

度梢風細細鳴瀨水娟娟時有幽禽叫誤驚山客眠  
臥高

石

厲揭隨回澗林深同古初跳泉盤走玉白日睡椒魚  
走玉

盤

龜祖神州物汝孫千劫前負圖遊禹域已在伏羲年  
龜寶

巖

天上無邪道人間有鼓湍要教聞廣樂不是諫天官  
鼓天

湍

長方盤石靜左右水聲多一自樵人去曾經幾爛柯  
柯爛



石

彷彿鳴環佩清都憶玉人水晶簾撥上方見麗容真水晶

邦君遊宴地錦樹擁巖泉行客今同樂徘徊身欲仙會

巖前之所實踏以其合品騰諸項推以入名勝之選今得此佳什有似自家兒曹忝過褒多謝多謝

新居雜詠六首 八月

相國寺曉池

給園披露草停仗立池塘出水蓮花淨迎風心地涼誰能微妙際聽響到開房

驟雨

伏晝朱陽赫黑雲過太虛一聲雷雨動飛瀑迸庭除不

待監河子轍波活涸魚

秋意

碧蓋承溥露薜花妍曉晴無風櫻葉下秋意逐時明何物尤驚我候蟲晝夜鳴

蟲韻

蟲韻入秋急令吾心緒紛湘靈波底月闕氏塞頭雲羽股千般曲常思故里聞

閒庭

閒庭幾株樹數畝綠留陰移榻向涼處輕風拂短襟籬邊漸還暮明月已來臨露氣隨他下仰天獨浩吟

夜步鴨堤

逍遙古隄道鳥定行人稀明月照流水清風吹葛衣悠

悠天地濶除此我安歸

陸羯南翁廿七回忌辰言懷二首 九月二日

世事浮雲變悠悠廿七霜遺文新刻取默誦對靈牀  
國命達何日時危更憶君不憂無指針百世仰遺文

羯南文錄刻成題其後

先生賢哲質兼是棟梁材論憲建中極宣猷洽九垓欲

成君子國深慮黨人災再把遺篇讀永懷王佐才

先生論君

主權之曰君而大權者是為執中之權所以超國家各帶  
有年以使命若義務之日本特我保其發達之何曰數  
千其來固文是也又嘗曰吾日本須要法用方建國  
以獻之于世界宣揚大義於世界但其平日所用法  
倚和平穩當為旨曰我欲使吾日本化為君子之國  
也敵

古座峽紀遊詩

並引

予與白莊司孤山于南紀風景探賞殆徧  
獨未及古座峽以為憾九月八日孤山電  
誘欲釋宿憾乃欣然赴之九日共坐車過  
田邊觀奇絕峽晚至鉛山宿于海僊樓明  
日留宿午後泛海觀又魚十一日拂曉至  
田邊乘船至古座上岸驅車上峽沿途賞  
景午時買舟至齊雲巖而回棹順流而下  
復徧觀諸勝至古座橋而棄舟驅車至串  
本登潮岬薄暮乘船十二日朝至天保山  
而別此行往來得詩凡二十五首題曰古  
座峽紀遊詩云癸酉十月誌

獅子舞巖 在紀州田邊磯間日吉神社東方田間

海上何年獅子來 鋸牙棘鬣立田陔 如期萬國歸王日 徑向宸宮奏舞來

奇絕峽 在上秋二首 津村

澗水奔鳴危嶂開 仙箕掃糞巨巖堆 行過懸棧雲迎我 幽鳥覘人洩一哀

嘗過李白讀書臺 在支那江西廬山 一道懸川頭上開 今見天

紳自天下何由萬里忽飛來

鉛山懷古

聞昔南海子來浴 鉛山泉予今亦來 浴嘯詠滄浪天北 望銀沙近東 顧草原連景物今 猶昔伊人渺何邊 南海所題

鉛山七勝銀沙步平原並在其目中

海僊樓晚望

滄海秋高晚氣澄 波間明滅萬漁燈 火珠十里連星漢 上下並橫雙玉繩

宿于海樓示孤山 往年宿于此夕異之 舍喧擾此夕異之

山樓枕滄海 氣含深秋清 已無波濤撼 豈有絃歌聲 鄰房隔障臥 引夢入蟲鳴

橋杭巖 在申本海岸有魔阻之法大師將架石橋接之大島有

其遺跡神人鞭石橋其血色見述異記今石橋其血色

峰巒隔斷海雲長 驚見法師橫石梁 恐是神仙鞭下物 喚人過此拜朝陽

擬大島竹枝詞 大島在申本對岸一名女護島

海碧天青帆影遙 樓頭忍別在今朝 望郎風水重相訪

咫尺杭橋是鵲橋

望九龍島 在古座河口

古座清江入海流古城山色鬱幽幽更添龍島如拳石  
飛雪漫天翔白鷗

古座峽歌

古座川流徹底清游魚錦石各分明欲知峽裡靈奇處  
聽我控絃吟詠聲

清暑島

始入古座峽先得清暑島孤阜當回流古祠茂林抱源  
頭水漲時流木互顛倒萬材歸島陰轉輪助構造笙鼓  
驚魚龍篙師歲時禱我今幸經過驅車絕岸道清風江  
上來俯視巖樹好所憾隔靈扉未遑薦蘋藻

少女峰

溪上飛巒嵐翠重懸崖萬仞插杉松紅花不瀆綠林手  
清節名高少女峰

髑髏巖

休歎斯生有短脩亦知天地不悠悠青山老去餘何物  
石骨峻嶒一髑髏

三山冠

屹立三山儼若冠頗疑鬼物戴章端誰圖溪峽行歌地  
禮貌偏於石骨看

玉筍峰

脚下巖湍激作雷橋前峭壁太奇哉休言玉筍破雲出  
仙斧失柯投地來

一枚巖 一名齊雲巖

峽裡溪多蛇折行溪流到此直無聲前崖但是神劔斫  
卷石居然抵漆城

天柱峰

峰尖直立碧溪湄石秀雲流兩絕奇惜汝終埋空谷裡  
不逢媧氏補天時

望滴翠峰 以下是下江作

峽樹含秋潭影寒楓間櫨葉帶微丹不離滴翠峰晴色  
今在清溪第幾灘

舟中望玉筍

扁舟回棹下清湍遙見前頭玉筍寒溪水紆餘三十里  
更從側背品評看

即目

無人閒卻釣魚磯江碧沙明湛夕暉一曲棹歌隨岸去  
掠舟方有鶴鴿飛

巨人巖

溪流漸緩下船遲石貌林容出彌奇恰與吾儕同惜別  
如迎如送巨人隨

鱸魚潭

溪流奔注遠巖巒將漸稀林開露天碧川濶冷夕暉澄  
潭千丈綠近接月巖磯云有鱸魚窟無人知瘠肥棲止  
汝得所汝是我或非常恐賊人子勿向講堂飛

明月巖

流渟成碧潭岸斷起危嶠月瀨名已佳明月巖亦妙秋

陽映夕漣水動山照耀雖無夜月明光景想匹肖不屑  
磻溪期不願嚴陵釣介然守至愚乘閒恣吟嘯倘遇潛  
魚聽且和沙禽叫

姬松原

在串本東方海岸

斷嶠基連侵海斜蒼松十里帶汀沙傍開明鏡涵巒翠  
倒寫前村白板家

潮岬

傍有飛行場無線電信臺

燈臺百尺壓崢嶸紀國南頭倚晚晴絕壑雲低盤健鶻  
遠天潮黑走長鯨侵陵堪制飛機野信息相通無線營  
攻守須依吾有待邦家今已脫聯盟

以上古座峽紀遊詩

癸酉中秋

十月四日紫明閣社集分韻得優字

青天無片翳月映鴨河流佳節多風雨清光今夜優況

逢詩酒會一掃平日愁回憶四五歲莫若此中秋

越南大閱

駕幸京都恭迎二首 十月十二日

神州之外亂戎夷正是萬方多難時 聖主幸存太平

志親巡北陸閱皇師

君王西幸越州山閱武秋原戎馬閒此日駐旌洛陽殿

滿城臣子拜 天顏

京都宮入謁

二十二日午後五時五分退出

恩澤重加感激頻何唯歲首講經辰册勳七轉纔前月

九月四日蒙敍勳二等

賜謁新班廿九人

是日予謁次為第二十九

超然贈蘭菊賦謝二首

十月十四日

蘭菊提攜到我前蘭猶噤口菊嫣然菊言受命超然子  
長伴子園梅竹邊

不克蓄芳幽谷間傲霜未敢臥鄉關  
低頭深愧雙君子  
蘭葉青青菊藥斑

關原懷古 十月三十一日

龍挈虎擲憶雄圖雲樹荒涼山驛孤  
可惜西藩三十六  
不如倒載一金吾

寄懷孤山二首 十一月十一日

三遊紀國每題詩共賞海南山水奇  
天下猶存多少景  
與君相見十年遲

我日課徒歎太忙君今得病臥茅堂  
晴望秋野知何感  
楓正呈紅菊著黃

孤山贈臺灣白柚文旦賦謝

柚聞有白耳先傾文旦何知是果名  
禹貢當年未收物

今朝饒嚼舌根鳴

過龍安寺 十一月九日

殘照入林苔徑清時聞禽鳥拂頭鳴  
逢僧爐地燒枯葉  
松際指他楓錦明

秋晚偶成二首

衰菊倚牆楓落蹊蕉殘無復舊時題  
山茶漸坼林園白  
霜日上來鷓鴣啼

秋風蕭索拂庭柯隨地翩翩木葉波  
秋色逗留能幾日  
公孫樹上夕陽多

山科本願寺別院 十一月十九日

梵唄無聲午寂然倚牆平仲勢參天  
蕭蕭落葉如黃雨  
亂墜村童墁畫邊 平仲公孫樹也

醍醐傳法院林池

松裡丹楓夕照遲  
朱檻黃桷映清池  
不逢淨境林泉色  
何覺醍醐味極奇

醍醐途上

青山四擁各成門  
滿地緇雲穰極村  
蘆白楓紅秋遠近  
穫歌聲裡漸黃昏

小野小町粉粧橋在小野

蛾眉笑倩駐春嬌  
才藻使人心蕩搖  
涓流不照翔鸞影  
竹寒沙碧粉粧橋

江村先塋側新卜兆域葬長女雪江去年壬申十二月五日

日書懷十一月二十八日

鍾愛廿四春華落何忽焉紅顏化白骨每思泣漣漣客

周歲將奠歸葬先塋邊汝魂不寂寞共此父祖阡汝墓亦我墓吾衰及殘年願汝豫相報會合在黃泉

又二首

教養多年晨夕隨  
蘭摧遽使我傷悲  
于今胸底猶遺憾  
不見桃夭歸嫁時

嬌養經年由父慈  
病來往往發嗔癡  
何無撫愛寬如海  
悔到蘭房責失時

姪脩藏婦峰子嚮以六月二日逝是日亦葬于

予女墓北鄰

北地仲冬節風寒  
天微雪臨夕送卿  
骨哀哀瘞幽穴凍  
月照疎林已矣從  
今別如何不摧傷  
肝腸非石鐵自卿  
歸姪門十年過何  
瞥怡愉姑所憐溫  
良衆所悅吾女亦



相得親愛兩情結洛郊嚮相送去年七月十六日不知為永訣  
沒後竟成鄰奇緣如天設想或九原下依然共提挈以  
此聊自慰吾情無窮竭

埋葬畢書示脩姪

百感新生老淚紛寒林月映暮天雲子埋子婦予子女  
同日同門起二墳

追憶峰子四首

抱病唯望再會期精誠攝養與心違知卿無限終天恨  
萬里良人猶未歸峰子逝時脩也  
以公命在歐洲

定有芳魂暗出迎夫妻再會隔幽明今宵同哭埋香骨  
掩土墳前老淚橫

英獨山川巴里城遊蹤一一入圖明燈前映寫歡聲動

觀賞羣中不見卿

脩也攜活動映畫  
器寫示其遊蹤

十年為婦守寒門得病依然笑語溫簡招兒輩無春夏  
回憶當時但斷魂

雪江小祥日書懷二首十二月五日

埋骨歸來又小祥老懷容易惹哀傷熟思何獨年華故  
一別髭邊頓有霜

供奠鮮珍堆豆盤燈前弟妹影團欒鄰房後障疑猶在  
何不揚聲出共歡

同社兒

盛書包袱左恭持華襖紺裙同社兒遇有貌年相似者  
陌頭目送立多時

皇長子誕生恭賦

十二月二十三日後七日  
賜稱繼宮明仁親王

親王今日誕生焉宮報一飛天下傳門上揚旗歡踏舞  
皇家寶祚自綿綿

又賦

椒殿神光且爛然呱呱聲起紫霄邊重暉早已居儲位  
峻德固應承 祖賢草木遂生新雨露雲霞改色舊山  
川鳳麟來集蛟鯨匿行見弘猷及八紘

草筆

田中鐵  
三所贈

草莖爲管草梢毫奇品初逢紫海豪待子假予靈腕力  
剡藤紙上起風濤

賀上原看雲氏八十八壽

邑中振鐸頻養氣得康身退處仙源上桃花領萬春

寄題村上前田氏庭松

聞松種出于江州唐崎  
松長尾秋水曾攜歸以

貽其祖  
者矣

袖裡當年名士遺蒼蒼今見映雲姿江州老幹已枯槁  
越海靈根須護持

癸酉除夕孤山惠寄臺灣槿柑新編詩存亦到

賦贈

臺柑驛送向林廬詩卷同時到歲除直把青黃充下物  
更深讀了興來餘

癸酉除夜

屈伸無主蠖兼龍凶吉回環意萬重燈下撥灰思往事  
又聞一百八聲鐘

昭和九年甲戌

五十七歲

甲戌新年

皇德熙熙白日輝新瞻 天胄下椒闈慶雲先自神州  
動能使萬方消孽機

元旦謁菅祠

攜女搖鈴拍手同菅神祠下早梅風古來宰相多賢俊  
道德文章誰似公

日本學術振興會舉予充委員

喪女以來知老衰聽多錯誤視迷離孫陽休擬驅千里  
固是尋常驚馬姿

拜桃山陵 一月三日

松柏蒼蒼碧水隈鬱蔥佳氣滿春臺拜陵絡繹人如蟻  
盡頌 皇儲誕育來

訪孤山問病二首 一月十日

枕畔相看意轉親病中談笑見君真京郊已覺鶯花近  
唯待聯筇去賞春

弄月嘲風自在身冬來一病幾吟呻寄言日馭回寒駕  
早報百花繚亂春

望嶽有感

嶽離千里始知高麓望唯同邱垤曹不怪紛紛皮相子  
看過當面幾英豪

偶成

盆裡梅花綻香藥牀頭蘭葉孕新青晨光動後玻璃暖  
茶力上來詩思靈

贈孤山

漫愛風人韻士名  
風人韻士半虛名  
喜君與我存同好  
唯愛佳詩不愛名

新雪寄懷孤山

曉來新雪遍林廬  
龜手慵酬親舊書  
臥病憐君寒徹骨  
吟魂猶到早梅無

敲冰

一月病中作

曉氣蕭森遠吠凝  
小廊影暗壁間燈  
排扉淨手滿庭雪  
杓柄輕敲盤面冰

病起值晴

雨雪旬餘始放晴  
褰簾喜見日光明  
立庭搏像半消壞  
點點陽坡草已萌

檜谷先生入洛賦呈二首

二月初三日

曾在山中甘食薇  
清泉白石息靈機  
十年重過黃墟下  
酒伴詩朋恐半非  
達士能知爨下音  
逸材誰道坂頭吟  
洛涯煙柳多青眼  
一曲試彈山水心

寄孤山

孤山先獲古人心  
行樂之中惜寸陰  
我亦平生初服願  
唐風蟋蟀是知音

又

信醫忘病苦對友  
吐情真處處鶯  
花好憐君臥過春

賀物庵博士開眼退院

二月初九日

自非國學有醫仙  
爭信金篦目力旋  
心眼定知同刻潤  
分明萬象鏡中懸

甲戌紀元節二首

四夷平定祲氛澄天位當時方始登  
聖孝常思垂統際年年嚴祀畝傍陵

萬戶揚旗日色新梅花脩竹紀元辰  
雍堂搖壁嵩呼大儲副降生第一春

露臺

土脈膏春雨露臺排雪窺摘來調鼓汁  
香味獨先知

偶成

黃鸝一轉暖先催蘇幹春生牆角梅  
拄杖今晨仰頭視南枝五六有花開

和孤山病中詩三首三月七日

冰雪冒梅來怕他鐵幹摧深根靈氣在  
花杪復春回

醫將日攻來病城可陷摧候君得遊步  
花下詠千回

黃鳥喚春來寒威頓挫摧聯筇何處好  
東嶺首頻回

內藤炳卿博士病中寄示二詩木村地天至自古  
臺北因賦七古

及讀杜峰詩稿五古賦贈二首三月十日

不朽立言屬阿誰慨慷身世意孤危藏  
山著作逢知己

百歲猶之旦暮期

炳老病繙詩友詩幽愁直欲托江籬近  
來吾亦思原玉

擬削揚班諧誕辭予時在大學將講  
賦史且有意作賦

賀淡村和田君名梯四郎粟古稀二首  
生津村村長

卅年精勵課農桑宣教人知讓畔疆縣  
志屢書旌表異

西蒲原郡粟津鄉

家世廉公慶集門齡躋七秩望逾尊芳  
筵列坐先稱壽

賢子令妻十六孫

懷德堂文科講義竟書懷示堂友諸君二首三月三日

二十三日

憂國思家杜陸辭諷論閒適樂天詩講來一紀增慙愧  
隻句何能到解頤

三家異曲本同工講竟回望儒雅風要識詩人真意義  
萬言常寄一誠中

春日長岡菅祠三月二十日社集

勢焰薰天日賢臣謫海時觚稜從此遠畫像至今遺鶯  
語圓幽薄梅花映古祠聞馨猶浴德撫音步難移

濃州春望三月二十八日東行途上

蒼山回合四望同路入濃州春亦通故壘香風吹不斷

梅花亂發雪峰東

松井大學總長元興狩野研究所長邀飲都館席

上贈滿洲國鄭特使二首四月十日

混同長白定邦基奉使暫停過海旗玉帛修交孫子產  
琴尊好客鄭當時西京學社文章舊東嶺鶯花風日宜  
安得春光佳麗處繫留駒馬緩歸期

賞春車馬過林巒共惜韶光容易殘花底邀賓雙鬢白  
尊前憂國寸心丹晉時開濟思王謝宋日和平倚范韓  
聞喜鄰邦新定宅京都作賦擬偏難

春晚圓福寺在八幡南三首四月十二日

名利依重阜春深南郭天林花飄點石洞草長生煙斷  
笋勞耕叟題詩問老禪爾餘無一事閒坐意悠然

咫尺城南地別開清淨寰花明泉石外松靜戶庭間聽  
鳥辨仙性觀雲訂我頑桑榆方已迫嘆息未投閒  
積年聞勝境今我始來攀何解真源妙聊欣俗慮閒法  
雲覆空谷慧日照青山不覺諸天晚逡巡未擬還

伏虎殿

有栖川威仁親王  
捨宅在圓福寺境

親王伏虎殿偉構出巖林草樹連階碧煙嵐入戶深度  
人慈筏願捨宅勝因心鍛劍靈場在瞻來更整襟

卽事

是日期迎檜谷超然梅  
癡三老梅癡以事不至

攜手同遊山水傍弄晴看竹入禪房期迎三老愆其一  
無奈有人閒裡忙

庭中垂絲櫻竟不開

衆花浮豔映軒闌一樹垂絲開獨難爲是主人移住去

幽姿未許寓公看

枕頭

閒卻暮春遊步筇清時未必托無能枕頭空發去年興  
長谷牡丹寧樂藤

東樓病起卽事二首

老去轉愁韶景稀三春幾日對芳菲東樓擁被林園暮  
又有風花無數飛

殘紅飄散綠陰成病裡春歸暗自驚猶剩木蓮花爛漫  
玻璃窗外紫風明

久邇宮大妃殿下有教在修學院離宮鄰雲亭

賜茗飲陪筵偶成

五月十日

仙園池樹奏南薰賜茗平臺興不羣聘望深知宸藻

妙懸峰遠水白於雲靈元上皇御製曰遠方能山與理

水能川

小庭卽事二十日

日暖風輕近午天積苔幽草映階鮮鉤簾淪茗閒相對  
嫩綠楓前紅杜鵑

贈某

半歲宿痾聞小瘳魚書喜子說南遊釣鼈溟海他年興  
不若權牽無水舟南史張融答武帝云臣陸處無屋舟居無水帝問融從兄緒緒曰融近東出未有居止權牽小船于岸上住帝大笑

調孤山

煙霞痼疾最難瘳有病閒時憶出遊天下溪山知己在  
阮生之屐子猷舟

江樓社集壽檜谷先生次韻 二十七日 五月

江樓新樹自清妍無復纖塵到檻邊葉底晚鶯尙求友  
亦迎一老入詩筵

東鄉元帥薨葬以國儀二首六日 五日

滄溟一戰靖東方動地驚天偉業長明治勳臣文與武  
西鄉以後有東鄉

天下皆知元帥名凶聞四海涕從橫蕭蕭爭送昆原路  
一曲輓歌不作聲

南禪寺最勝院社集六月十七日

潺潺流水音山木一鵑吟閒坐望城市悠悠物外心

和風軒軒松濤師新室名卽詠六月三十日

趨林急鳥背人飛忽有雨聲叩竹扉數頃插秧猶未了



一行臺笠向村歸

悼天隨久保二得博士二首君六月一日逝

識君踰卅載竊意似文園慷慨詩千首風流酒一尊石

渠曾宿鳳炎土好栽蓀遽報騎鯨去南望但斷魂

比載頻相見今晨最憶君聯吟蕭寺雨壬申夏妙同步

碧溪雲癸酉夏同遊琉璃溪君琉璃遊修史存深意題詩徵我文草成徵予

文序追思皆昔夢不朽獨詞勳

甲戌中元八月十三日

燈下親孤影蟲鳴籬落邊中元人不到閒坐讀遺篇

東塋

燒香先謁瑞香墳拜及親疎禮數分路遇故人相揖去

播頭煙火映杉雲

南塋二首

筒茅相對影參差風樹蕭蕭燭淚垂地下雙親能識否

今年有此掃苔兒

繞身大小十三墳歷拜舊新雙淚紛口裏不言胸裏語

鵲獨在樹頭聞

故里二首

父老年年減相逢生面郎孤筇行狹巷故里似他鄉

東舍貽花卉北鄰分果饌人情今尚美故里異他鄉

訪山際柳堤操翁留宿善館及門最老者為長

六月十日

鄉杖寄居沙海濱心閒好與白鷗親忘年留我仍談舊

父祖門中最老人

最上國藏氏杉雲山莊二首莊在越後妙高山麓赤倉八月十七日

風氣如秋至晴空疑雨懸何知蘆薄裡暗有瀑鳴泉蘆泉室

瞬息變風光看山高臥處君如問草廬杉樹雲來去雲杉廬

出門不見山八月十八日朝時在赤倉

突出在虛空豈唯雲霧變高山若偉人愈近愈難見

悼白莊司孤山予時歸里八月二十四日計至二十三日夜已逝

山川花月每追隨座上喜聞輕妙辭南紀四遊成昨夢空留一卷批餘詩孤山病中編其所作詩名孤山詩存予為序之

解良氏百木園池亭即賦贈主人用壁間所掛

王穉登詩原韻詩云平津閣上夜題詩繡牘親裁與項斯字比宮雲俱五色情親

將禁柳共千絲袖中攜處香偏入馬上看時八月五日

共讀穉登壁上詩池亭啜茗話須斯又添孫子賢如鯉

主人云近者不嘆鬢毛紛若絲老木風清秋氣到懸泉得第二孫男

石激雨聲隨園蔬留我情何厚莫笑前村歸去遲

解良君淳二郎號聽泉奉令耕獻穀田余聞之而喜賦

贈八月二十六日夜

皇統承神孫列聖重孝祀登極致大嘗垂範於厥

始歲例新穀登嘗祭獻潔美闔邦選善農稼穡戒所以

今年膺選者通家解良氏主人接令來齋沐慎進止曰

我家世農先臣有遺軌明治巡幸時行在陳耒耜芋魁

媒國風謬蒙天顏喜事見近藤芳樹所撰陸路記獻穀逮賤身誓

當增奮起柵田懸注繩南畝忙舉趾暘燠與騰蝨利病  
兩監視南風吹良苗新穗垂映水精誠能感應足以卜  
豐秬粒粒實且完清瑩珠玉比以此薦神明神明格必  
矣報賚定鴻慶榮譽徧遐邇恩典許入宮鳳闕拜玉帛  
君常虔奉先孝敬發於己苦心勸力田舉鄉推善士影  
響非細小德聞化千里村村競做之稻梁同薿薿崇祖  
兼敬神不負為臣子煌煌興國業容易良可企

新營家墓撤長女雪江殯處躬度其骨瓮于幽

壙架上了書懷

八月三十日

哭汝猶昨日三年石火飛苦心營家墓八月陽氣微撤  
殯就新壙芳魄可使依天屬遠來會熱淚更一揮泉下  
雖長夜悠久免縛轡願汝安寢處我亦竟同歸

追步小川南堵叔父詩韻二首 九月三日小川氏叔

父名玄節南堵其號業醫壯時學于咸宜園善  
詩予年十二叔父賜以二詩其一曰嗚呼吾老  
矣期卿博士名曰夕須三省哀父母情其二  
曰斯子有奇骨軒軒乃祖風唯應全晚節不願  
童稱神

未期為博士博士荷其名四十五年後回望阿叔情

晚節庶無缺未揚先祖風仰慙草玄宅好學有烏童

鴨涯紫明閣社集追悼孤山五首 九月九日

任意抒情是我詩宿緣何獨好予詩雲牋常寄存餘葉

揮淚終題哀悼詩 孤山好予詩常寄雲牋以便急徵其  
逝後尚餘十數葉終為寫哀詩可悲

也

一擲利名塵慮空句奇嫌與世間同轉將當日陶猗手

揮發自家楊白風 孤山愛楊誠齋  
白樂天二家詩

梅發郊祠賞早春雪飛蕭寺坐重茵自今行樂應猶好

只少帘邊同詠人孤山來入社新製一字

樓頭前月哭天隨今又向君裁悼辭風景依然人事異

臨流看岫欲焚詩

金剛長失共遊時耶馬阿蘇未賦詩諸山皆有同遊約風雨滿

樓三九日三九謂九年九月九日也欲登高去與誰期

失題

江南半壁趙家民要識神孫天業新肅慎稱王暫時

爾興由人者滅由人

中秋鷹溪觀月同檜谷犇山二君二首九月十三日

月上峰松頂水喧溪石間乘明林鳥出驚定又來還

碧空懸白璧金水碎銀盤一片溪頭月照來悲與歡

又次檜谷先生詩韻二首

秋氣生東澗漸知襟葛寒舉頭山吐月洗耳石爭湍坐

久斥明燭興高憑曲欄良宵稀此好遮莫漏聲闌

借問冰輪冷何如詩骨寒金聲生擲地舞影映奔湍斫

桂那翻斧窺蟾幾近欄無心吟詠史深興坐更闌

歸途又作

當頭明月白如銀正見中天輾玉輪午夜市橋車馬絕

聯筇恰有詠歸人

客懷

疎鐘傳客枕殘月映書樓難續家山夢易驚京洛秋草

蟲如雨急風葉向人愁漸覺身衰疾此生行退休

謝超然惠菊二首

盆菊貽來到草堂猶疑鳴鳳對翱翔  
縹冠翠翼黃金尾  
耀日凌霜爛有光

年年贈菊故人心復見金葩映敗林  
陶子遺情相識少  
何圖海外有知音

送姪高橋啓三入營赴朝鮮羅南

蠻夷貪獲利四海動風雲  
報國男兒志何論武與文

又

韓海天高一雁飛方知霜露上戎衣  
故鄉有母秋風冷  
憐汝從公不憶歸

卽事十一月

曉鐘驚客夢起坐對林叢霧破茶花白  
日昇楓葉紅詩  
情隨節候塵事閱窮通  
小苑多幽興其餘付碧翁

超然病中贈寒菊十二月四日

超老經旬近藥鎗替身猶見到茅堂  
歲闌盟友堪爲四  
寒菊續來崖菊香

繼宮明仁親王殿下甲戌誕辰恭賦八韻十二月十三日

天統淵源遠瓜絲自肇基鴻慶流紫闥  
祥夢發鸞帷蓬  
矢前冬禮綃衣今日姿孝仁含至性  
文武表光儀烜赫  
重明日渾涵成化時子來非假想  
王會有佳期九服歡  
殷地萬方欽仰曦揚休臣職是望闕  
志如葵

歲暮書懷

閒園數畝洛城陰鵲屋蕭條竹樹林  
風入殘柯無起色  
雲飛斷雁有遺音絳帷麟筆當年夢  
華髮青燈中夜心

樓指鄰鐘待明旦絲絲寒雨動哀吟

除夜得吉村勝治悼亡信卻寄

琴鶴雙棲幾十年一朝鶴去迹茫然五雲山下溪琴響  
空伴牀頭獨客眠

昭和十年乙亥 五十八歲

賦得池邊鶴

神山棲息穩東海是吾池翔舞冲霄漢瞰紅波靜時

送新村 出 博士應召入朝進講

春風朝鳳闕講殿五雲鮮萬古言靈在發揮 神聖前

贈宇野博士進講

頭白窮儒術講經春上筵知君明德治敷奏 聖人前

送神田豐盒游學歐洲 一月

乘春駕洪濤滄溟向窮髮彷彿文海中渺茫迷恍惚斯  
子識波程遠航辨津筏焦嶼網珊瑚水府窺貝闕勿爲  
望虞淵競走逐沒日早往早歸來寶珍載突兀

奉送新城前祭酒 新赴任滬上 自然科學長尾

兩山狩野君山二公先有作仍步其韻 二月

河上茲分手幾時接勝流鶯花三島曙煙水五湖秋赤  
縣尙多虎桃林未放牛如聞虞帝哭齊政倩誰搜

賀須賀蓬城耳順次韻二首

幽人愛文雅城市混風塵能事精兼逸交情舊更新素  
於簪紱淡時與酒詩親朝夕靜修處行藏隨屈伸  
尋盟伴蘭竹乘興弄縑牋倪董披雲出褚虞舞載遷訓

蒙依正養積善結慶緣借問方來壽南山指翠顛

又

翰墨林中臥丹青國裡遊棲遲忘歲月至樂逸王侯

乙亥紀元節

二千五百有餘年永永邦基盤石堅要識當初天業美  
戢戈申孝鳥山巔

花園天球院社集二首

二月二十四日

謝累聊乘暇探春試出遊看雲過下杜

地名在北負日野蒼祠南

向天球郭外花爭發垣邊草已柔漸知鐘磬近轉覺化

城幽

招提城市遠構築院庭幽香棟禽來賀梅簷客發謳詞  
華動虹彩德水暖冰流無分同禪悅山中欲滯留

席上分韻得山

禪房人不到永晝鳥聲閒但道玻璃碧穿林來四山

早春追憶白莊司孤山次中田洞北韻

逢梅常憶殺此意若何通鶴背探春否裁詩向碧翁

卽事二首

春雨聲中黃鳥催叩門不見一人來先生今日如無事  
閒坐樓頭閱早梅

紙牕殘月送微明風入林梅香暗生夢覺書樓人未起

屏中敲枕算鶯聲

送原田清季學士赴任臺灣文政大學次其贈詩

原韻二首 三月

文章自古戒才多師表于今嫌道頗賢士固知幾索隱

老夫空欲寢無訛牀前梅點萋萋草天外帆開渺渺波  
到日南臺應有句勿忘附鯉伏衰魔

三餘惜晷伴陶泓講藝卅年留上京形槁心灰爲聞道  
門寒官冷豈求名孜孜經業推先進落落文章畏後生  
臨歧不揮平日淚搏風待子度鵬程

鳴涯紫明閣社集卽興次杜子美夜宴左氏莊

詩韻 三月三十日

暮春行樂處 高橋樓真 水閣雅筵張 須賀蓬城 花柳將

籠岸 豹軒 煙霞已滿堂 中田洞北 銜盃憂日短 高坂超

然作句競才長 近重物庵 漫學八仙興 高瀬惺軒 塵紛

總欲忘 瀬川轟山

日出岡春眺 乙亥四月三日攜家赴大津市訪脩姪姪時官滋賀縣經濟部長公

舍在市南日出岡眺望甚佳

柳綠花紅春復來試攜兒姪上高臺休嗟臨老歡娛少  
揖我湖山面面開

琵琶湖飯館

高薨照水太湖濱煙柳霞花隨意春佳客一堂雜夷夏  
汀前別有蕩舟人

槍山 在醍醐山半腹豐太閣觀櫻處四月六日

帷巒幕谷宴紅霞喚召羣侯恣賞花霸氣爾來消滅盡  
行人猶自說豪華

自醍醐踰嶺至巖間寺途上

一嶺行窮一水奔山田高下自成村苔蹊更向前峰去  
叢竹林櫻處處昏



湖望

激灑湖波落照閒歸鴻影裡釣船還孤峰遠望如濃黛  
知是江州富士山

義仲寺

躍馬皇都橫劍過天亡豈有帳中歌千年湖畔埋豪骨  
遺恨悠悠付逝波

迎滿洲國皇帝頌

瞻彼長白其山巍巍天眷貴種伊水龍飛惠民立極莫  
若善鄰乃浮東海訪我帝宸維我皇州櫻花妍媚非花  
之妍實士之氣猗猗者蘭郁郁其香豈獨其香君子之  
光維蘭與櫻香氣結一誰克離之比密膠漆縕縕漠漠  
洋溢乾坤兩國之好和平之根

滿洲國皇帝來航駕自東京至京都又向奈良

紀盛八章

周王鞭駿四方遊秦帝射蛟江上流豈若乘春凌大海  
滿皇躬自訪神州

帝坐艤幢自海隅柳櫻春麗入皇都瓊筵天上爲賓主  
國史從來迹絕無

陵籟森嚴杉檜間蘭旂遠出禮桃山應思鴻業維新美  
發自君臣同克艱

建禮門開延大賓西宮南殿葉花新誰圖闌角瑩沙苑  
別有衣冠蹴鞠春

香駕緩行披午風霓旌暫倚玉壇中齊呼萬歲東山響  
白日花明太極宮

日暖風輕百鳥和山櫻倒映照池波黃金閣上閒停仗  
古寺園林氣色多

春祠徑曲擁林邱行望丹楹霞際浮疑入周家新帝囿  
連天草碧鹿呦呦

盧佛殿陰開正倉依然文物見隋唐一千三百餘年上  
珍重東瀛護寶光

聽松院社集二首院在南禪寺北門內俗稱  
摩利支天四月十四日  
早櫻飛盡晚櫻新臨老看花不讓人待得社中期會到

聽松院裡走尋春  
櫻殘楓綠坐春深山色新添溪水音歲歲惜花情漫切  
知吾已發老人心

偶成

林園氣帶雜花馨已覺朱明臨戶庭紫木蓮搖風色紫  
青條楓展日華青

桂水泛遊四月二  
十八日

桂水搖搖巒影橫滿溪新樹夏風清父兒同載漕洋艇  
笑語中流破綠行

先考惕軒先生四十年祭賦奠二首五月二  
十六日

說到孝忠庭訓頻丹心欲使報君親鵬聲喚覺當時夢  
猶記西堂受讀晨

逝水滔滔四十年江村禮俗與時遷館中餘韻存如縷  
手獻谿毛一慨然

贈柳堤山際君君在先子門下年齒最長今茲  
乙亥先子四十年祭君建石燈

雙基獻之先子墓前五月十九日

墓木蒼蒼歲月深及門猶見有知音澡身浴德燈新照

應感先人泉下心澡身浴德禮記儒行篇語君

天授庵社集六月二日

夏景暗成還換衣叢林穿徑叩禪扉鏡池波熨蓮花睡

羊嶺雲開燕子飛棲戀邱園知老至吟攀風雅愧才微

壁間逢著籠紗迹是日壁上見中山白嘆惜交游歲歲

非

物庵理博以土佐虎斑硯見惠賦贈

文房憶四友老來若渴飢管侯與褚子容易相追隨陳

玄在座石陶泓特所思虎璞落吾側斑斑深山姿與汝

舊相識憶我童子時挾册上村校染翰對吾師滿面亂

鴉色頑駮羣戲嬉恍惚猶昨日轉瞬鬢若絲平生戒奢

泰財用慎徒糜雖愛方玉貴此亦堪護持注以涓涓水

磨研臨凹池臃腫神氣集攜藻精英馳小則驅罔兩大

則戮蛟螭煌煌明大道悠悠保國維臣忠揚其烈子孝

美其為婦貞顯其鑑友信存其規山川寫清秀花月畫

芳滋凡百賴汝力素樸與汝期不要馬肝繳何用鸚鵡

奇從今伴遲暮須臾不相離

得迷陽青木君信云新膺學位贈賀六月四日

大都江浙各風情曲史開山門徑成堪使王吳瞠若後

功名不要得功名王吳謂國維梅也

內藤炳卿博士小祥追懷次韻君嘗為余書文

語曰銘鑄經典之範翔集子史之術洞曉情變

曲昭文體然後能乎甲新意雕畫奇辭因係論

傳云彥和之論風骨意在復古蘇綽又詔策一二姚史

豹軒微我驛窠書老去塗鴉筆墨疎憶少年  
臨爽敘烏絲欄映上燈初六月二十五日

能讀且稀況著書青山無主樹扶疏殷勤嘗寫雕龍句  
為說唐文復古初

最上君慶筵賦贈君養中尾章吉為嗣尋聘首  
藤和子為其婦七月二十

日六

二姓參成一姓親滿堂和氣飲芳醇階前松竹千年綠  
待見芝蘭玉樹春

羯南先生夫人今居氏清泰院妙  
薰大姊小祥逮夜作

七月二  
十七日

復繼終天淚今朝忽小祥溫容猶在眼歡語竟違堂水  
涸池魚匿風輕援權長九原知莞爾孫女肅燒香予時  
攜二

兒女

羯南夫人墓下作七月二  
十八日

風鳴樹葉和哀蟬碑字勒成神黯然千載應高伯鸞節  
幾人真識孟光賢

白莊司孤山小祥前五日展其墓在大阪北區  
東寺町善導

寺追懷二首八月十  
八日

脫俗情增詩趣奇看山臨水共襟期暮年相得如君少  
空憶四遊南紀時

夜深江館對巖泉猶記論文雨宿天惆悵墓門人不見  
臨風獨立聽秋蟬

鎮西上人七百年忌頌二首

彥山高處入煙雲崖缺林開天貌分熱日升降二千里

一心求道忘辛勤治承二年夏聖光發明星寺至彥山  
頂往返十八里凡一百日以為常課

象山修法竭吾精吉水尋師誦佛名七百年來遺德大  
西天不斷赫光明

乙亥中秋

良辰天上薄陰生獨立闌前何若情夜半雲流吐華月  
無言相對一輪明

桂花二首

銀河淡淡素光流桂樹團團影自幽金粟已知無數發  
天香一夜滿書樓

月裡常思折一枝廣寒宮殿伴仙姿何圖香界來平地  
露下恍然步玉墀

賀富山房五十周年贈主人坂本君

昌時文物遍蓬蒿亦賴印書能冶陶五十年來富山業

轢凌鮑伍壓陳毛支那歙縣鮑氏南海伍氏南宋陳起明末毛晉並以刻書名

赴下呂溫泉途上車中作十月二十五日

蘇水悠悠遠泝源層巒回澗互飛奔風霜繡出丹青障  
擁護栽桑伐木村

下木蘇川二首十月二十六日

木蘇江水入秋清錦繡疊峰波底明背送獅駝揖烏帽  
蓬萊山外櫂歌聲

松蒼石怪碧堆堆一道澄江向此迴恨殺水流如箭疾  
看山未了出山來

舟中望犬山城

峽盡江開秋水平扁舟如葉信流行西望鴻影低煙樹  
天際高高白帝城

同

送舟江水穩山斷曠原開白帝城鷗小忽浮林杪來

登犬山城

危巖喬木古城臺極目飛樓秋色開雲斷濃彈蘇水出

野連參尾牧山來二君不事思齊蠋城主成瀨氏祖正

豐公誘以厚祿欲令改隸于己正成抵死辭謝能賦登高愧楚枚最是翠華停

蹕處闌邊佳氣至今回

對叢菊贈超然居士

數笏荒庭一徑斜秋光復自到吾家元來栽得寄餘物

細菊縱橫臥著花

聽琴橋

仲國尋小督駐馬處在渡月橋畔

颯颯琤琤月下琴松風澗水助哀音中臣靜聽閒停馬

思慕深於明主深

乙亥十一月朔脩姪始舉男兒滋報到書感願

其成長後覆讀此篇三首

阿脩報道舉男兒停箸歎然夕膳時禍福賢愚吾不識

願渠成長固家基

自憐投老鬢如絲難見渠能成器時富貴浮雲何足道

至誠報國是男兒

堂構須高忠孝門四民階裡士風尊立身行道顯先祖

汝是吾宗五世孫

又示脩姪

為父應知罔極恩乃翁心事我能言後來衣錦誰真喜

屈指當年徒倚門

對菊

獨坐齋中世味新轉從衰後識甘辛燈前相對不相語  
映壁黃花影似人

偶成

淒淒霜露濕林邱初日清寒禽語幽停步荒蹊人若偶  
楓紅茶白半庭秋

念齋

寺西報到以月朔行樂社席上予問乾山翁  
健西報到以月朔行樂社席上予問乾山翁

日其嗣念齋訂報到日中  
旬乃佳念齋十一月十日

嘗於社上得楓期父語訂來見此兒早使吟魂在邱阜  
滿林霜葉日斜時

有人索筆詩

明時不用歎衰年聖德汪洋及八纒珍重一枝椽大筆

要須勒石向燕然

追憶天隨博士

昭和癸酉七月社友六七人同博士遊琉  
璃溪憩待仙亭今茲十年乙亥十一月再  
遊瀨川犇山同往楣間仰看博士所題山

氣日夕佳匾字追憶前遊悵然有作

涉磴攀崖破草鞋看雲倚石嘯吟偕黃壚重過人何處  
山氣依然日夕佳

秋晚再遊琉璃溪二十五首十一月十四日

諸勝八首

蟠竦泉

行俯巖潭底雲移倒見天駛流默然去疑是白虹懸

渴蚪澗

千林楓葉赤重澗碧陰森飲水蚪何急不同靜者心

沈虎潭

巨頭跳亂珠湍下沒雄軀怪汝藏威力縷嬰異負嶠

高臥石

一臥碧巖頭何知榮利餌軒聲和石泉欲伴椒魚睡

彈琴泉

巖泉分道鳴紅樹照崖明誰鼓昭文調能娛獨往情

會仙巖

風泉仙樂響霜樹錦筵開坐石空相待山中誰會來

水晶簾

行盡幽林路微明夕照添煙嵐分彩翠掩映水晶簾

錦繡巖

晴雷鳴斷礫巖錦映遊雲傍晚溪風冷屏張五色文

宿待仙亭

流飛雲外水夜作枕頭雷不悟溪聲大唯疑豪雨來

晨起溪閣卽事四首

嶄巖天女洞昨夜雨龍歸今旦東千澗白練一條飛

懸流踰複澗飛瀑灑重淵窟裡龍雖嬾夜來何得眠

秋潭清見底溪閣且憑來漫訝文魚逐熟看紅葉回

錦水半填谷彩雲全繡山題詩何處好身在畫屏間

溪行雜詩十二首

巖石從橫臥澗泉奔激流幾回看不厭立盡此溪頭

清旭照幽徑寒林行客稀無風紅葉落片片點吾衣



溪畔楓櫺富寒叢雜棘榛卑枝紅點點山果不知名  
 臨溪聽水坐度嶺看雲行葉落千林靜怪禽時一鳴  
 一石千人座開張溪澗中晨昏來戲謔蟹子與猿公  
 全川石爲底鳴水若振環敗葉流相倚巧帖鷓鴣斑  
 穉稭黃雲聚山田網柵圍秋風鳴拍板猪鹿駭回歸  
 葉飛溪澗底鳥叫嶂崖間雨懸疑震地雲動欲移山  
 懸崖苔徑滑鞋底澗泉紛長嘯行窮處濛濛欲起雲  
 夕漣明返照岸樹帶清暉吾志非長往行歌欲忘歸  
 奇峰壓頭立亂澗盪胸回暝色將秋去風聲帶雨來  
 颯颯溪風起空林葉亂飛浩歌驚晚鳥負杖背山歸  
 長女雪江三周年祭志懷女亡在五日祠官有故十四日奠薦  
 案饌瓶花俎豆間繡鍼如見舊容顏至今香魄無消息

欲遣巫陽叩九關

啓姪除隊自羅南至賦示十八日

喜子新從韓北歸紙窗燈火雪霏霏不知身上何輕重

脫却戎衣換祭衣姪將復職錄倉鶴岡祠

超然老寄興津鯛戲賦

若狹甘鯛世賞揚興津脆美更含芳腹中葬汝試封諡

東海波臣鱗介王

讀惺軒博士鼓腹集三十二日

辭修誠立聖賢徒樂等暮春沂浴途懷曠猶看周茂叔  
 吟閒敢讓邵堯夫高山流水乾坤大明月清風今古俱  
 鉛字新排詩一卷精神不朽德何孤

又

窮理養心耽簡編吟風弄月樂吾天我披君集情無限

屈指訂交卅八年予弱冠初識君至今凡卅八年

豹軒詩鈔卷十三

豹軒詩鈔卷十四

北越 鈴木虎雄 撰

昭和十一年丙子 五十九歲

丙子新年 是歲國風敎題曰海上雲遠

君聖臣賢民盡良新年海上旭光揚慶雲爛爛無涯際  
萬國何邊有此鄉

平野祠冬櫻

平野冬櫻三兩枝淡紅微白映階墀斯花未必春天物  
有此衝寒可愛姿

北野菅祠蠟梅

祠廂西畔蠟梅斜藥紫小圓黃玉葩開歲每思浴神德

年年來見數枝花

愚庵和尚 天田鐵眼 三十三回忌辰追懷 一月十七日

作院

眼公豪傑士屏跡入雲岑一介禪僧貌終生孝子心歌  
辭皆古調詩句自清音掩骨鹿王院蕭蕭脩竹林 國分青崖

詩曰每過嵐峽憶愚庵矧遇忌辰三十三  
三照出浮生泡沫影夜來明月在空潭

和龜井南溟詩七首 南溟原作云往來皆故舊樂

謀前酒姪濱人父聽因業醫道載年十四從僧大  
築周學南受物徂徠說任福岡藩蜚英館教官弟

子大進遭讒而廢文化  
十一年卒年七十二

吾亦有行樂水明山遠樓往來皆故舊問字日相求  
十年何所樂起臥塾西樓隍外望梨栗揮竿時撲求

廿年何所樂始上辟雍樓師友皆鴻鳳孳孳道藝求

卅年何所樂棲穩鳳臺樓向月吹簫玉夢祥協暗求

卅年何所樂東觀仰書樓有似雞攀鳳卷軸典衣求

五十知何樂西京寺寺樓但愁憑未遍四美每營求

六十將何樂田園置小樓逍遙伴雲鶴此外一無求

相國寺東寓社集用移居詩舊韻八首 十一月二日

是日壁上挂龜井南溟吾有三行樂詩幅來會  
者高瀨惺軒近重物庵寺西乾山念齋父子三

浦梅癡中田洞北杉野僊山須賀蓬城高橋  
真高坂超然久保檜谷野上雨峯小木曾松濤

會田靜庵瀨川轟山以病不  
凡十六人寺町愛山

四時行樂擬聯蹤開歲先欣今日逢嘉客攜詩來陸續  
主人倒屣失從容南溟同調娛山水北叟遺風忘鼎鐘

北叟謂藤原惺窩先生寓居南百人梅竹窗邊吟骨健共  
步有先生墓先生一號北肉山人

看遙嶺秀寒松

非攀鄰寺昔賢蹤不屑塵寰事巧逢煙竹要藏君子節  
月梅時近美人容荒橋策蹇侵微雪芸閣挑燈到曉鐘  
畢竟知音何物是丘隅頑石歲寒松

風流洛社續前蹤十有七人堂上逢鄰寺梅香吹冷氣  
隔林山雪送晴容淪茶聊共尋常飯撰杖休論旦暮鐘  
聯筆展牋鴉亂點興高添得石兼松

蓮社高賢塵外蹤宛如千載復相逢鴨流何讓虎溪色  
相國頗呈林寺容興入謝家池上草談移張子夜中鐘  
不妨吟醉歸途暮初月纖纖掛在松

混世固宜持卓蹤豈能良友必相逢山棲同慕陶弘景  
麾出偏憐阮仲容

阮咸字仲容竹林七賢之一為欲助  
荀勗所指麾出為始平太守

笑歡尋酒譜且圖遊戲鬪詩鐘有人如問箇中樂默指

庭前一古松

隨時歡樂共行蹤頗勝班荆聲伍逢

聲子伍舉班荆而  
坐見左傳襄二十

六年衝斗文章同賞析包山襟度互寬容雲紅東嶺花間  
展霜苦西林月下鐘消暑采蓮浮碧沼茗筵相對雪埋

松

何嫌昭代托幽蹤已見明良有際逢經國堂堂文武業  
救民兀兀富仁容召周威德垂方策管葛功名勒鼎鐘  
無乃疾風知勁草歲寒宜護後凋松

廿年畿甸接吟蹤不學今離與昨逢秋圃黃花淡同色  
冬庭堅石介齊容青山白水醫心藥地籟天聲警耳鐘  
卒歲優游何所似和鳴羣鶴戲林松

次川西宮司

名光之助梨木神社宮司

移梅詩韻

二月

梨木洞庭移五梅  
凌寒映發舊三槐  
槎牙幹想人中傑  
的皜花知天下魁

梨木神社行樂社集二首

二月二十三日是積雪三十三寸

父子忠魂炯在茲  
千秋萬古護皇基  
梅香正動新堂肅  
雪淡煙寒梨木祠

微雪飄飄點殿墀  
輕寒封蕾噤黃鸝  
昇平浴得二公惠  
今日祠堂來賦詩

春日梨木祠

故宅園林靜春生  
禁苑傍粉垣  
新草短露井  
早梅香謀國定民志  
尊王振帝綱  
艱難思往烈  
立雪拜祠堂

次蓬城題圍碁圖詩韻

兵家方對陣  
破敵必須期  
胸裡神機熟  
唯憂一著遲

失題二首

二月二十六日

殺氣憑陵暗帝京  
紫街豺虎忽橫行  
司農館外飛烽火  
丞相府中揚角聲  
廊廟應求開濟計  
帳壇休誤逆忠名  
神州社稷終無改  
唯在純良奉聖明

倒戈中見羽林兵  
月黑社叢狐火明  
不保陳吳無異志  
久傳曹馬絡羣英  
天風吹海皆將立  
匣劍聞雞獨且鳴  
一髮千鈞蓬島勢  
兆民猶作五鼉擎

刃霜衝曉不銜枚  
宰輔寢門鮮血回  
無乃私符開武庫  
未聞王命下雲臺  
書空自發呼天咄  
拔劍猶含斫地哀  
蒙叟當年知特解  
篋囊為盜固局來

自東京歸值雪霽

三月一日

陰雲散後發東京快雪霽時歸洛城松柏小園寒更綠  
依然紅日照顏明

入京途上相州車中作二首 三月九日

初日曛曛離海洋波平晨影拂扶桑攀山頂接芙蓉麓  
白雪連天紅玉光

海上輕鷗拍拍飛雲開紅旭射車衣詩情一段難描處  
松雪梅花淘浪磯

次某氏詩韻三首

電檄飛來裂肺肝東望輦轂繫危安無知左右安劉祖  
龍武軍營曉角寒

白馬青袍烽火新一朝狼狽忘君親東風雪碧朱門曉  
可有弄兵忠義臣

義比泰山生片埃迎門叱賊怒聲催男兒無數何顏色  
巾幗滿腔熱血堆

偶成二首

節士憂時劍幾磨吾生欲續太平歌梅花點點黃鶯語  
步向林中春漸多

堂起兵矛梁棟摧時危黃閣待賢才請君看取梅花意  
雪下平然向日開

青谿觀梅二首 三月二十七日

迢遞邱巒帶斷霞萬梅林外酒旗斜釵光帽影青谿路  
暖日輕風去訪花

青谿昔日訪梅花橫臥林間到日斜今日重來橫臥地  
梅花盡屬管絃家

鹿王院社集三首 三月二十九日

晴野探春負杖吟山僧引我入雲林南軒對坐無長語  
脩竹梅花世外心

名利嫌為轅下駒文章苦作古人奴山中暫共梅花笑  
便覺今吾非故吾

脚下青苔連竹林幽庭坐石洗塵心花間宛轉新鶯曲  
門外潺湲流水音

賀濟齋山田君 準 古稀次其自述詩韻 四月十九日

七十歸然繼下帷迎春容易到頤期如公多壽真多福  
不負松門號白眉

得一京信官印記曰準戒嚴令開緘 四月二十二日

封信題云官拆看故人唯報竹平安聖明時節嗟何象

防口難於防水難

贈字野博士退休 四月二十六日

多年講藝辟雍中儒業人推昭代雄隨例懸車應益壽  
滿門桃李笑春風

龍安寺社集二首 四月二十六日

禪苑春深好薰風靜坐時花飄虎兒渡魚戲鏡容池肅  
拜 列皇墓同諷太閤詩優游堪永日酬倡不知疲

藍天新葉吐金地落花飛流水不知處青苔欲染衣茶  
煙風細細香飯雪霏霏臨晚經聲動彌教道意微

丙子天長節二首

海晏河清 聖誕辰鳥謳花笑洛京春游氛散盡條風  
穩 皇德如天光景新

榆塞燕關仁澤施軒裳萬國會丹墀中朝將相多賢俊  
未奏神州大武詩

詠庭前木蓮花

雨打殘櫻藥已摧木蓮花紫滿枝開今年賞汝還辭汝  
新主明春誰更來予時動移居之意

烏蓉港先生五十年諱辰讀義嗣華水博士所

寄先生小傳有感賦奠次檜谷翁韻

理政快如刀斷雲英謀發自本修文經營最憶戊辰苦  
決計喪君更有君

柏壁牛島在武州觀藤花作二首五月十日

藤老英垂六尺強風前拂帽紫纓長幹根徒做龍蛇臥  
三百畝陰蜂蝶狂

青菖蒲秀抽刀利紅躑躅明烈炬焚上有架藤翻紫浪  
真成解慍是南薰

和乾山翁詩

湧碧漣漪雲與遠奪朱瓔珞露相承微茫縱有武藏麥  
老壯應無柏壁藤

如蘭會席上賦呈諸友五月二十日矢尾政樓

第四橋頭初夏風眼看新綠代殘紅江樓話盡當年事  
一笑樽前百慮空

杜鵑花

杜鵑鳴使杜鵑開猩血紅思泣血哀千里雲山何可越  
天邊休叫早歸來

芍藥



新樹啼鵲夏又來幽庭日見綠陰堆猶憐芍藥闌干裡  
一朵嬌紅帶雨開

乾山翁來訪賦呈

輕風颭綠葉光新剝啄敲門折角巾坐久無言林鳥語  
賓方忘主主忘賓

夏日一休寺

寺在新田邊驛西十餘  
町五月二十四日

送盡藤花與牡丹暫來城外坐林巒禪房何意求詩句  
無數青山拄頰看

又次乾山翁韻二首

野寺蕭蕭麥秀天雲關杉老半千年方知出世非離世  
念念酬恩即是禪寺又稱  
恩庵

三面青山入戶晴千畦麥浪著花輕一聲啼破人間夢

白晝穿杉杜宇行

相國寺池蛙

松杪風吹琥珀花方塘荷卷小拳斜為憐幽韻傳心事  
佇立缸邊聽穉蛙

訪鳳岡院長二首

六月十日  
三日

林外院堂絃誦幽竟知身是托公侯廣文令德將軍武  
聞院長官舍乃  
木將軍所構築勿落人間第二流

草齊林茂鳥欣欣梅節連晴未有雲一榻依然猶借下  
綠陰深處細論文

文學部同志懇親會席上二首

六月十七日東  
山左阿彌樓

短鬢星星霜色斑盍簪林屋好開顏轉來平日觀書眼  
看取將軍滴翠山

山樓竹木淡生煙萬戶平臨燈火懸對案覆杯休漫笑  
與君相見即陶然

德雲院聽雪居社集十六月二日

勝遊避城市丈室雅筵張聽雨簾漪綠點苔梅玉黃飲  
禱君子壽榮羨碩人章歡語無終極疎鐘已夕陽

賀乾山翁喜壽次其自述詩韻以賀喜壽冠句

三首十六月二日

賀齒兼論德豈唯身健全早知侶真宰名利兩喪權  
喜壽名佳絕保生和璧全松喬何足羨要奪玉皇權  
壽長而遠辱四美享常全語默從吾欲誰言廢中權

賀人自滿洲還

邊塞敷皇澤鄰疆揚武威從今冰雪地應識仰春暉

過山際柳堤翁居七月十日

耆舊年年為異物還鄉不似故鄉人館門長老君猶在  
養壽須攀鶴與椿

書先君子遺墨後七月歸村時作

教養何由紙牘成獅兒一擲下崢嶸想看先子胸中淚  
字字含來無限情

贈三浦勝太郎君賀其退休君嘗在日本新聞社後入報知社七月

二十一日

當年多國士回首去何之衰疾高眠好月花無盡時

大覺寺望雲亭社集七月十六日

翠巒繚繞古嵯峨野寺悠悠感逝波不有南朝付神器  
應無正統接天河迎風亭榭松杉冷清暑園池雲水多

聖世幸同魚鳥樂吾今欲廢慨慷歌

賀野上雨峯翁夫妻同迎喜字壽次其自壽詩

韻

喜壽雙迎古亦稀龐公梁子或知非清筵頌祝無他事

笑向南山指翠微兩峯原作曰莫道人天生七十稀我今

夜高樓望少微

中元宵至三條橋觀大文字火八月十六日

如意峰頭龍躍空金剛椽筆至今雄元宵橋市望薪火

點一百三大字紅

悼伊藤駕城翁二首丙子七月晦逝八月十七日社友追悼于梨木神祠

曾與杉僊叩我門梅邊圍坐倒芳樽直將賀老峨眉畫

一笑題來爪雪痕

新年蓬戶斟春酒二月梨祠詠雪墀聞向青天乘鶴去

探筐重閱綴瓊詩滿林飛雪綴瓊玉翁梨木祠詩句也

梨木祠社集二首八月十七日朝

曉殿森森松柏蒼二忠祠下會文章蟬嘶未起雄雞唱

一段清風灑鐵腸

孔鸞無勇學奴顏貔虎忘忠化悍姦安得勤王如父子

恢弘天業遍人間

學齋午睡

百家疑義結難通數子文章看彌工坐擁書城翻化蝶

空空如裡見周公

遊相國寺蓮池

松竹參差透夕陽捕蝸童去寂林塘秋光暗度無人識

一白蓮池氣自涼

夾竹桃

竹葉柳條叢幹斜  
非桃非杏豔妖花  
午天風死鈴聲絕  
老綠林中吐赤霞

秋海棠

二年養得浴堂東  
翠葉高低自作叢  
早起推窗朝日耀  
半簷風露帶嬌紅

惺軒博士竹林養雀

戶外竹林常蓄風  
下來羣雀樂融融  
贈環應有黃衣到  
不數弘農出四公

詠胡瓜

令君家子孫位登三公當如此環寶生  
震震生乘乘生賜賜生彪四世為三公

翠蔓黃花隴畝頭  
風前繫著碧玕稠  
下鹽輕齧脆如雪  
不羨鼎鐘公與侯

詠茄子

菜圃縱橫芋又茄  
江村喬木憶吾家  
不知鄉味何由致  
繞箸案邊浮紫霞

詠豆腐

淮南遺製至于今  
柔潔直方存本心  
晨夕上盤堪養老  
廚中欲號是曾參

詠白桃

岡山所產

愛我有人貽白桃  
橫陳簾底暑威高  
冰漿癒得文園渴  
連下泉州洋快刀

詠白葡萄

某園所產

溼漿迸似壓春糟未及撥皮霜氣高休說漢家上林苑  
筠籠坐摘白葡萄

詠結城瓜

江州所產大如小梨形似菊花白肉甘脆

一喫脆甘唯自驚橢圓形比菊花英對瓜且喜神州物  
避世憐他說邵平

流雲

八月三十日即陰曆七月十四日夜

熯蒸已有候蟲聞遷轉無窮天地文覓句工夫隨處在  
月前獨立看流雲

今夜

八月三十一日即陰曆望夜

節入新秋露氣清林園寂寞欲三更當頭一片青天月  
今夜明於昨夜明

陰曆七月既望玩月二首

九日

文字峰前雷雨過碧天雲斂淨星河誰人輾出松梢月  
一點無塵明鏡磨

青天無際月華清桂魄銀盤影滿城遮莫家人笑癡怪  
幾回深夜下階行

賀石川文莊翁古稀次其自述韻

九月五日

績史紡經七十霜明時固足答蒼蒼仲舒帷下蘭松茂  
子夏門前鷗獍傷窮達人間非我責福慶身後必天償  
頤菴堪卜西河畔丘水優游敬梓桑

送姪脩赴任廣島

九月五日除廣島縣經濟部長十二日赴任

利用厚生宜蓄謀壯時何厭四方游湖山雖別海山在  
好去江州入藝州

梨木祠觀天竺花

九月十日

風翻紫露萬枝斜  
祠苑晴開天竺花  
見得忠臣方寸色  
人人歸報滿城家

松花堂卽事二首

行樂社吟集是日雨  
九月二十七日

俗累驅人去風流  
百未能一生耽韻事  
昔有八幡僧  
墳址名園古階前  
曠野開無心閒坐  
好秋雨灑林來

中秋無月

九月三十日

一碧秋天萬里橫  
東樓昨夜月光清  
廣寒宮殿嫦娥影  
卻向今宵偏避明

梨木神社祭日獻詠二首

十月十日

首唱勤王出搢紳  
至誠憂國致斯身  
終生扶翼回天業

苦節三朝第一臣

三條忠成相公

東關奉使樹朝威  
西海連謀決事機  
贊襄皇猷紹父志

雙全忠孝若公稀

梨堂相公

遊柿生村上秋葉邱

十月十四日陸氏二義妹隨行

愛此京郊層阜林  
穿過柿栗上松岑  
村村稻熟黃雲遠  
一帶前山暝色侵

拜明治神宮

十月十五日

淨沙如雪映秋陽  
檜殿森森松柏長  
新爲萬年開治世  
聖神文武憶天皇

送姪終一赴仙臺二首

十月十五日姪去岡山  
將赴任東北振興電力

株式會社來訪于東京神田學士會  
館借往拜明治神宮至參宮橋相別

賓雁來時汝北征  
橋邊分手若爲情  
老懷猶抱無窮喜  
此感應同泉下兄

雌伏十年勞坳埃  
乘風飛去向仙臺  
明時經濟方非一

要為民生役電雷

重陽前三日超然老寄崖菊雙盆並絳藥燦然

賦謝二首 十月二十日

秋暖東籬未有霜菊花何肯著微黃天孫似憫無聊甚  
散下新裁雲錦裳

經過三日又重陽籬畔何由慰涸腸恰有故人寄崖菊  
爛斑替我吐文章

嵐峽迎賓館社集 館屬車折神社在聽琴橋畔十月二十五日

光華漸失舊容顏詩卷難留天地間欲借渥丹霜葉色  
西風夕照對嵐山

詠史 清原賴業

參決謀猷寵眷濃當時廷議待儒宗最奇高識東西一

戴記中先推學庸

偶成

壯來打破利名關鬢髮已衰鉛槧間秋興發時嫌局促

飄然移杖向青山

二塚 身方塚寄手塚

順逆不存恩怨情拾收殘骨弔精誠琉璃邱上雙高塚

萬古松風一樣鳴

山下赤坂城址

孤軍嬰壘護京畿忠義堂堂菊水旂鮮血千秋凝碧處

幽花泣露赤蜻飛

楠公誕生地二首

皇國山川靈豈窮今來古往幾英雄試於忠烈求其傑

後有楠公前氣公氣公謂和氣公

清泉瀾瀾界園流數畝林叢倚小邱青石大書誕生地

童翁指說楠河州

產湯井

來下山田藤杖輕脩篁影暗鑑泉鳴願分混混青藍水

浴被人家赤子聲

檜尾陵後村上天皇陵

半壁山河屈萬乘鑾輿南幸度峻嶒神州千古雙遺恨

芳野陵兼檜尾陵

觀心寺中院云是小楠讀書之處其圖自刃亦于此地

林深環堵畫蕭然想像小楠翻簡編母氏訓言銘徹骨

留刀腹下十三年

金剛寺天野殿

播越不疑神器靈獨嗟王氣久飄零千秋臣子生慷慨  
瓦屋三間是帝廷

金剛寺觀月亭

鳳闕北望雲樹侵行宮漏斷雁聲沈明明一片孤亭月  
爭似舊京秋色深

鎌倉極樂寺訪浦苦屋屋爲外舅羯南陸先生

養痾讀書之處二首三十一日

蘆花楓葉舊湘鄉白屋重尋更自傷雞柵空鄰浮李井  
松崖猶插讀書堂伊周無位嗟衰病管葛有才終退藏  
忍說後來操簡輩戀貪軒冕賣文章

爾來無復好文章長憶公忠熱血腸永叔指情常委曲



敬輿論道自悠揚雲開蓮岳臨蓬戶波熨珠宮對石牀  
異日幾人語故宅臥龍耕讀在南陽

江島樓眺三十一日

孤嶼高樓枕海濤秋晴一碧此登臨風帆不動虛無外  
雪岳欲凌天地心可向蓬萊迎帝駕直攀闔闔聽仙音  
人間縣圃寧其遠不用湘纍費苦吟

震災記念堂

在本所被服廠址祀  
震災遭難諸人之靈

關東地震發餘災幾萬生靈活作灰今日祠堂皆享食  
料應樂國上蓮臺

遊向島百花園五首十一月十一日

秋草七科元有名江東勝蹟每關情入門先喜逢相識  
蜀匾鵬碑揖我迎

寒雨蕭條池苑幽白鬚祠畔葛陂頭百年陳迹無人訪  
葦折荷殘獨對秋

荷汀葦渚逕紆餘獨賞荒涼誰似余菊塢先生百年上  
栽梅此處結茅廬

西南一水控澄沱東北青峰抗筑波好箇都門名勝地  
紛紛張李立碑多

對坐茅亭把茗甌夫妻曾伴舅翁遊閒花野草渾依舊  
回首茫茫三十秋

牛淵

九段坂南瞻堞樓一枝藤杖傍清溝寒魚潛藻微波澹  
衰柳棲鴉殘日秋蹋草撲螢隨仲叔穿花躍馬羨公侯  
喚回卅六年前夢斷角數聲增惹愁

京大俱樂部第三回總會有作十一月二十二日部員會於京

都平安神宮神苑

紅樹青山繪素秋一年佳節共清遊  
林園散桌開襟語魚躍鳶飛各自由

白山茶

秋光淡泊亦吾家數畝林園荒徑斜  
霜曉扶筇何所見紅楓枝外白山茶

悼河合月浦十一月三日逝十二月六日社集追悼

壯日教童蒙老來詠花雪雁魚何向傳  
惆悵華園別

遊山寺雜詠四首

次傅君子韻三首

扶醉遊人酒半酣楓林穿逕各相探  
崖棚別見華茵遍

絲竹紛紛井幹南清水寺

衰年不減少年心晴愛山行行愛吟  
已料嵐溪楓若錦

復來長嘯俯龜陰嵐山大悲閣

溪泉斷續微鳴澗木葉繽紛紅拂壇  
欲趁栖禽下方去

孤筇敲石暮雲寒東福寺通天橋

次君山所長韻一首

寺門楓葉十無三往事淒涼尼熟諳  
玉輦緇衣消息絕

空聞澗水響峰嵐大原寂光院

再疊和君山先生山居詩三首

花落鳥啼晨睡酣孔情周思夢中探  
美人相見顏如玉

昨夜挑燈讀二南

經年了卻遂初心臨水登山隨意吟  
夜雪應移子猷棹

未知安道住山陰

門前已闢桑麻畝舍後更封蘭菊壇父老不知草玄宅  
時時來往話暄寒

三疊自述三首

舉目沈冥醉夢酣三唐妙境有誰探偶然彈出洋峩調  
異代公評付汝南

夜深明月到天心滅燭南軒抱膝吟剝啄叩門但風在  
無人來就翠松陰

諸公濟水治舟楫衆士舉旗登將壇我願並生王孟輩  
騎驢同冒雪橋寒

疊疊贈君山先生三首

鄰翁誇竹輿方酣剛笋報期消息探插鬢荆花人二八

窺簷鉤玉月西南

岫雲舒卷似閒心種菜何勞梁父吟濯足上牀煙火夕  
持杯多在碧梧陰

竹遮村女縑車火雲散先生步月壇一卷黃庭徐誦了  
遙聞白紵曲聲寒

五疊贈君山先生三首

燕京乘障戰聲酣故國垂帷道本探堂裡箋詩鄭高密  
軍中讀左杜征南

葵園常抱向陽心洛下時爲擁鼻吟殘月曉風長阜路  
蘆花楓葉澱江陰

真人無意求丹井夫子幾時休杏壇夏屋莫如仁里大  
太牢何及碧霞寒

傅講師用遊山寺詩韻其第三疊及虎辱賜佳

製乃敬奉和卻呈三首六疊二十九日

達夫豪興宋中酣子美佳篇蜀道探英俊唱酬僧舍在  
恨吾猶未識山南

野鶴閒雲世外心逍遙未許恣行吟買山而隱何時得  
只合灌園學漢陰

舜堯政教應無界唐漢文章要築壇不信老天好喪道  
善鄰行李戒盟寒

無題疊用南  
字韻

血流漂鹵戰聲酣為鼠為龍鬪互探讀破古來青史迹  
黃袍笑倒幾圖南

十二月廿七夜即陰曆十一月十四夜

勁氣蕭森逼褐裳空庭樹影似人長高天有月明如許  
怕照星星兩鬢霜

丙子歲晚二首

月黑風高雁陣分樓前暗度樹梢雲膽瓶梅破寒香動  
鬚席鼠行哀叫聞理稿幸無干相啓對弊徒有送窮文  
如今一笑青春夢漫向詞場思策勳

紅顏容易鬢成絲未息鷓鴣巢一枝七口同居他日羨  
半生多事寸心知寒松宿雪條猶勁老鶴迎風翮自遲  
遮莫流年如轉轂前程佇見鹿門期

丙子守歲

童稚以來迂拙同蠹魚生理失顏紅鐘聲一打無凝滯  
欲化龍鍾六十翁

昭和十二年丁丑 六十歲

丁丑新年二首

皇天雨露物皆新  
樛散何才興衆賓  
恩澤三朝過分久  
優容猶作辟雍臣

昭代飛騰愧俊賢  
生如草木保軀全  
唯期依舊竭愚鈍  
道是聖人能化年

莊子寓言孔子六十年而六十化知五十九非

田家雪 歌題

八洲宜稼穡九穀各隨方  
東作遵時令西成待歲穰  
斗回新雪積律改舊妖亡  
茅舍生瑤彩竹籬輝練光  
朱維堪走犬青簡不書蝗  
清潔歸情性虛明集吉祥  
素偏疑返古平或類居康  
最喜寒威徹釀春有太陽

同

水郭山村一夜春  
銀臺玉樹滿眸新  
元知大雪豐年兆  
願免年豐卻歎貧

依傅君芸子韻論文就正三首 七疊

比窮駢僱用工酣  
徐庾精神略亦探  
血脈竟知歸散法  
頗嫌繁縟李樊南

誰道相如是賦心  
文迨江左始堪吟  
創新模古生生妙  
不異和鳴鶴在陰

縱橫欲讓蘇王派  
雄瑋又推燕許壇  
大冊高文雲鳥遠  
其餘未至廢清寒

山行自將軍塚至清水寺二首 三十一日

去歲大風松柏摧  
山中多失棟梁材  
不圖登頓逢奇景

處處峽門城市開

市民望山愛山翠山客山行愛望開寄語山中植林子

勿將望眼蔽遮來

君山先生惠貺高詠其辭過獎賦此奉答三首

八疊

圻雅揚風筆力酣若人何在末由探虛瞻摩詰詠坨北  
甘處仲容貧道南

堯天漫托逸民心舜日隨看野老吟敷奏當時芹意竭  
如今好去臥箕陰

應制延清能奪錦扈封道濟贊登壇自憐夢後才情減  
將亦難攀郊也寒

生日讀除報

二十八年官辟雍殊恩不意及凡庸應由家世留餘慶

醜石亦蒙三品封名山記同秦寺前有醜石四俗呼為

石宋王安石詩草沒苔侵棄道傍誤恩三品竟何  
酬陸游詩畢竟只供千載笑石封三品鶴乘軒

贈諸橋轍次博士蒙召講經二首

肅肅金華殿講經對 至尊安人自修己治道及根原  
儒臣寵榮極陳說上丹墀崇德君珍重今時異往時

贈中田洞北次其七十自述詩韻二首十一月二十四日

妙心寺衡  
梅院社集

豪傑每論經國功賢英時見雅懷中君遊樂社十餘歲  
詩酒竝推吾黨雄

胸中不著世間塵月嘯清秋花詠春一卷詩篇齡七十  
平安城裡太平民

行樂社五壽會席上放歌丁丑二月十一日會于杉野僊山宅為五

賓壽久保檜谷七十七歲瀨川高瀨惺軒寺町愛山高橋樓真各七十歲

洛陽山水景絕好樂社人物抵珍寶社盟訂後踰廿年  
此日同時壽五老檜谷先生懷仙胎喜壽紅暖玉顏開  
去歲參尾乘秋霽著屐踏破碧崔嵬古稀矍鑠惺軒翁  
行疾宛有地仙風非積王學鍊磨力定是恪守些字功  
愛山高臥宕山隅閉戶不窺上下湖一聞城中同社檄  
藜杖掛瓢倉皇趨棲真居士道骨尊看山臨水役吟魂  
育德育英樂已極施仁又假觸手溫犇山養財本利他  
緒餘遊藝墨常磨對窗寫去松梅竹背囊收來雪月花  
通計五君齡數者三百四十八冬夏無用別處求仙鄉  
桃花源在行樂社

相國寺晨行所見

松徑霜華潔山門旭影新  
紉兒拾薪者多是白衣人

窗東

夜深寒犬吠把火小窗東  
壓雪南天燭低頭粲粲紅

陽坡

南庭老梅樹已著北枝花  
漸見春光透陽坡茁落芽

隔牆

南家梅樹北相鄰香雪團團紅  
旭新黃鳥飛來又飛去  
與人同占隔牆春

遇大塚定予大正十五年過燕京與君重相  
雄君見已十二年前矣二月十二日

東京相遇話離愁十二年來霜滿頭  
猶記薊門飛雪夜  
盤堆白菜煮黃牛

送大塚君歸北平

幽朔煙塵每動悲良圖此際不言知勸君別後唯加飯  
今日已非年壯時

悼岳陽山田君

滬上春風始見君燈前細雨幾論文梅花散落香魂遠

悵望豐山日暮雲大正七年予始見君于支那上海客

文書院教授今年養病於豐前別府一月二十

四日逝予得訃遲今始哭之 蓬城宅社集五首正月七日陰曆

折簡被招三月初寬衣岸幘上柴車花薰室町將軍第  
鶯亂蓬城仙史廬水竹飛觴非禊飲龍蛇落紙類顛書  
笑他漫起斯文感閒適悠悠樂有餘  
戀世誰能賦遂初衰殘我已近懸車青山何處理枯骨

喬木多年夢做廬水曲雖無千畝竹樓頭猶有二酉書  
上方不足下方足俟命從今休說餘

幽庭何處轉黃鸝脩竹疎梅與石宜壁上主揮摩詰畫  
尊前賓詠少陵詩宕山雪淺霞橫黛鴨水沙明柳弄絲  
高興更催番直宰共訂下月看花期

吟朋求友似黃鸝永日相逢更得宜深淺盃斟賢聖酒  
淡濃辭載厚忠詩梅花落地迎風片竹影窺簷拂雨絲  
好與年光共流轉白頭看看到頤期

郊野孤行愛聽鷗林園集會亦相宜忘賓飲福同傾酒  
繫日無繩可廢詩寵辱難從泉下骨是非分付鬢邊絲  
劈牋多綴君休笑不負眼前鍾子期

次蓬城君韻三首



舒卷心如雲往還平然混迹住人間倪黃歐褚常鄰近  
不要誅茅向碧山

仙家誇使少年還行樂生涯伯仲間丹液應同碧流水  
玉樓何異白雲山

釣鼇客自海南還廿載逍遙京洛間春雨時臨唐晉帖  
秋晴又畫宋元山

疊韻自述三首

洛下吟遊共往還不知身住市廛間西山花色東山月  
快雪晴時又北山

煙林夕鳥倦知還陶子真情寄此間三徑就荒松菊老  
東籬好去見南山

歲若川流去不還鬢毛暗換旅途間鶯聲一覺浮生夢

明日尋雲入北山

席上分鄭師冉聯句得煙低兩字各一首

幽林風日暖初覺主人眠石動梅花影窗含茶鼎煙  
倚杖柴門外幽禽時一啼詩情方欲動舉目遠山低

詠人丸石

蓬城所藏別有伊藤仁齋詩今用其韻

奇石網緝靈氣通想看雅藻代天工雖無面目存神骨  
瀟灑衣冠歌聖公

無能

無能長恥乘軒鶴堅節但甘支柱龜豈若乞身早歸臥  
康衢擊壤答明時

熱海途上

三月十四日自東京歸西作

海門消盡曉來霞驛路春晴鬧物華不獨溪邊梅若雪

向天跳玉浪頭花

奉賀久邇宮恭仁子女王殿下高等科卒業

四首女王殿下學業於京都府立京都第一高等

月優等卒業竊謂明治以還婦學昌明而其

宗室懿親遊于女校高者罕有比倫承乏

已謹師進讀漢籍者凡二年矣仰瞻盛事欣忭

窄袖寬裙一樣裝春風秋日誦絃長衰年來此顏何厚

執卷諄諄對女王

兩歲說書登講堂聖經賢傳苦提綱樂天詩句曹姑誠

總擬彼穠雲錦裳先哲叢談抄曹大家女誠白居易詩

天潢一派控京都玉質金章照紫衢四德不勞師傅力

凌雲自是鳳毛殊天潢謂皇系也婦德閑貞專之德鳳

毛謂非凡之材也

皇國文明有本根歷朝誘導自璿源吹簫他日瑤臺上

率舞皆應嚮竹園吹簫秦穆公女弄玉事借用以擬成

鳳皇來儀又曰擊石拊石百獸率舞

修學院離宮奉陪久邇宮多嘉王王妃兩殿

下茗讌恭賦丁丑春分節時入第王殿下卒

校恭仁子女王殿下卒業于第一高等女學校高等科

香輦微風馭午晴山亭茗讌錫恩榮輕黃漸染沿河柳

新曲遙傳出谷鶯林外煙霞文錦色澗邊泉石玉簫聲

仙園別有芝蘭秀共浴芬芳繞砌清

展桑原博士墓三月二十四日

黏地落梅鶯亂飛青苔欲上墓門扉衰羸轉覺知音少

佇立空山今雨非

賞庭櫻四首

牆上櫻開天氣新  
兩株裝做滿園春  
晴鳩有意來同賞  
雙伴花前閒詠人

林苑無人高捲帷  
日懸櫻樹最繁枝  
手安茶竈東軒下  
坐待松風蟹眼時

短髮對花花不語  
嬌容向我我憐春  
何須死傍要離冢  
願作香雲埋骨人

櫻正酣時風又斜  
春光明日到天涯  
詩人無力留青駕  
獨倚闌干看晚花

雨日春遊七首

公課暇時宜暫休  
老來得計是閒遊  
急招兒女兩三輩

衝雨賞春西洛頭

雲蒸峽口一溪斜  
碎玉珊珊漂臥槎  
千尺虹橋幾停杖

雨中閒望半峰花  
嵐峽渡  
月橋

時有水禽鳴葦叢  
一池春漲碧冲融  
周塘步步殷勤望

花影模糊煙雨中  
大覺寺  
大澤池

林塘花落點荒蹊  
三日不來看作泥  
走到汀洲祠宇下

掃將壞壁把詩題

歷盡上湖沿下湖  
隔煙花樹淡將無  
滿城如沸笙歌海

幽境尋春誰似吾  
廣澤  
池

雨裡看花儘自由  
漁陂樵塢倚筇留  
賞春別有吾家法

故向無人僻處遊

千葉晚櫻猶勒寒  
紫鵑花簇雨珊珊  
當壚有女氈牀濕

閒卻椒醬豆腐盤 御室仁和寺

贈犇山次其自述詩韻

年老唯宜忘老年窮通禍福任天然春花秋月良朋友  
綠水青山好祿田

送兒秦平遊學北海道三首 四月十六日兒時入北海道帝國大

科學豫

姊縫衣袂妹窺筐有母攜行海北鄉未必千金齊富子  
斯兒一出舉家忙

十有九年朝夕隨出門相送步遲遲老懷悲喜悲差勝

仰愧母公垂訓時 余少年臨別時母公每曰生別焉知  
其非死別吾心中常決矣汝唯須勉

學健在無復他語

送汝辭家北海行驛頭分手若為情洛陽花柳春如畫

擬比他年衣錦榮

香泉寺社集八首 四月二十五日

熟識城南路遠尋同社期清和風日美妍碧柳花滋鳶  
舞瞻孤塔簫鳴傍古祠早知精舍近林際見茅茨  
離城纔半里忽爾濶平郊齊麥鳩呼婦喬杉鶻護巢野  
簫錫父弄祠鼓學童敲奇絕煙村外白帆浮樹梢  
行行風景異藤杖好扶攜桃赤牛宮北菜黃鵝鬧西刈  
葛驅犢子曝箔浴蠶妻相見唯長揖前林布穀啼  
入村新巷徑護寺舊園林椿藥點毫玉薺花敷地金鳩  
山橫秀色紙水送清音此境殊幽寂停筇試一吟  
不訪精廬久今來幽興長風輕花入戶泥落燕歸梁共  
免農功苦卻緣詩課忙城中何有此任彼目為狂

春晚宜遊賞山僧有野亭煙桃紅赫灼風棣弱娉婷簡  
要玄談妙清新詩句靈塵緣渾斷絕松籟靜同聽  
晴窗耕野近閒坐逸情多紫玉雲英褥黃金菜畝波牧  
童吹笛去饁婦挈瓶過或恐遺賢在時聞楚鳳歌  
昔謂諸公老今吾亦暮年春風借僧榻夕日坐詩筵論  
定期身後性陶且眼前紛紛非與是一笑付茶煙

香泉寺社集憶刑部卿文章博士菅原是善公

作四月二十五日是日松濤師兼修卿一千七十年法會

平安全盛日簪笏競文章菅門特濟濟斯公卓周行才  
藻繩乃父德器育賢郎典學教秀士講禮遺編光城南  
第址在維今十條坊儼乎丞相廟迹晦三品藏鼪鼯驕  
白日蕞蔓延頽牆兒孫竟散落行人徒悲傷幸值壽師

住搜塔出幽篁木石粗佈置晨夕供花香屈指千年上  
追遠意何長設此法樂會春晚雅筵張紅蘂雖較少新  
葉暗殿房臨池魚潛躍翳林鳥弄吭景仰往德大逍遙  
翰墨場豈獨撫公迹且以托慨慷家國若偏武文路恐  
廢荒深衷公知否悠悠望彼蒼

席上分韻得風

參議遺墳在殘花寂寞紅神馳千載上三世盛文風

丁丑天長節

辟雍堂上 聖容眞佳節年年肅拜新固信葵心終不  
改明春但是乞骸身

賀佐佐木信綱博士蒙賜文化章丁丑天長節

言葉詞花燦有光夙將歌道苦闡揚柏園今見輝天橘

先賜新成文化章

竹柏園主人佐佐木博士招飲芝山三緣亭席

上率吟敬贈

百花競豔瞥眼空萬葉吐燄綠濛濛主人海內文章伯  
置酒芝山坐林叢掛壁琳琅古香溢指點一一親稱述  
賓客陶然飲醇和琥珀滿盞甘似蜜主人講藝五十年  
鼓吹風雅駕昔賢請看朝廷錄偉績橘花勳章領最先  
鳳岡先生移居志感有詩見寄攀韻卻呈奉賀

時先生新相樞密 五月十五日

懸車亦復拜綸絲召入黃扉未必遲山甫他年能補袞  
清風要誦穆如詩

奉和鳳岡樞密移居志感

回頭一笑了塵緣林下誅茅理石泉莘渭何妨耕釣老

卷舒心迹鏡如圓先生移居志感云何用山居絕人到

一事榻清風午夢圓又移居志感寄豹軒在京都卷十年

多是寄君詩

狩野君山博士古稀壽筵口號 五月十二日

四十年前公識我四十年後我壽公一爵祝公身強健

二爵頌公門積慶三爵忘言一笑薰風中

蕃山堂社集憶蕃山次其題畫詩韻 堂在江州

邇村字栗原詩曰樹密茅檐古荒煙野水濱

山浮新樹上田接太湖濱長憶江州聖嶼蛤化此人

又次餞行詩韻 詩曰與義一言不奇不道真豈思得

士口才 塵又塵

說孝出情真理財歸政仁烈風折喬木逸足固超塵山蕃

著有孝經小解蕃山仕池田輝政改革財政後遭讒又為幕府所忌老死于下總古河

蕃山堂息游軒庭上觀忠孝碑碑面刻教育勅語中忠孝友和

信五字字大徑尺高瀨惺軒博士所書五月二十三日

背嶽面湖先哲祠息游林苑得良師省躬願去心中賊  
瞻仰無慙忠孝碑

次超然移居詩韻三首 六月

超然恬淡好榮辱眼中無偶得林泉勝忽離龍象區愛  
吟誰似子避俗或同吾款戶乘花月定知容共愉  
浮生如大夢達士熟知之聞道朝兼夕葆光涅不緇林  
深奇鳥集山遠白雲移對此忘終景任他呼作癡  
老年衰脚力行止要人扶長日臨修禊春風想舞雩鏡

花何所捉水月本來無且盡隨時樂終當返故吾

悼吉田泗鷗 程二

慷慨憐民苦風流託墨翰泗鷗何處去雨暗杜鵑寒

哭小野櫻山 名積六月二十六日逝

忽傳櫻老逝隔絕道山霞溪畔留梅影峰頭空月華馬  
場嘗詠暑岡本共看花前事忙如夢南望涕淚斜君嘗贈予

畫幅其題詩云治生辭富貴託迹在煙霞依然一閒課養成翰墨華今用霞華韻補以花斜

虛白洞 瀨川彝山書齋名社集用近藤南州詩韻

隔簾桐影碧入戶鳥聲閒室裡虛生白胸中積有山

賞櫻 疊二首 六月二十三日

樹上樹下花盡發千枝萬枝展開春流連光景方今是  
風雨明朝愁殺人

東樓闌角彩雲斜掩映山巔及水涯說到繁華輸一著  
春風二十四番花

葵祭次傅講師韻

禋祀依然上代風鴨堤鑿仗響丁東蟬冠玉帶金吾使  
鑣帛膺纓工祝馳露灑車簾葵葉綠日臨籠蓋勝花紅  
樽桑文物淵源遠萬國來賓路棧中

天授庵社集

七月四日

禪室寂寥羊嶺傍綠林幽草好池塘魚兒唼藻欣新漲  
燕子築泥語舊梁逝水難留嗟歲月埋光不掩是文章  
吾衰匪懈隨吟社可笑求閒卻得忙

席上贈檜谷社幹

是日膳羞有荷葉飯

泥中無染濁周子愛蓮英荷葉今爲飴翻匙髓自香

王師 九月

王師一出捲風雲大義堂堂寰宇聞歌舞無非秦戍卒  
斬奪渾是漢將軍秋高絕塞征鵬急天曠空村落木紛  
紫氣已從河朔動何時見奉 聖明君

江上

九月棲棲江上師膺懲蠻虜正斯時鐵車超塹踐金甲  
霜刃斫營揚旭旗南渡衣冠王謝盡東方并絡壁奎移  
憐他漫藉豺狼力禹迹土崩何得支

和鶴陰博士自述賀其古稀三首

十月

文章才學本來奇漫道青雲藉友師海外祥刑樹文石  
雍中說政坐皋皮承恩杯泛瓊林酒愛靜窗橫栗里詩  
七十康強天所寵可知無事到頤期



先生意境每恬然學若洋淵思若泉廿載雍堂金口振  
九年和館鐵冠全詩人情性常參句豪士風懷時擊鮮  
傍舍錯爲村老侶翰林上院去朝天

歐西昔作法都游一夢翻成九歲悠快馬綺街穿列椽  
輕笈名苑伴閒鷗腥風枯骨巍屯夕落日殘鐘薛水秋  
稱壽如今猶憶殺勝門旗店酒三周

神宮祭主久邇宮

多嘉殿下輓詞十月一日葬于泉涌寺

京邑天潢派神宮祭主尊烝嘗嚴俎豆歌詠麗瓊璠菊  
藥芳長在桂枝花已翻笳簫引山路袂雨九衢昏

禹封

禹封復見舜堯民海外驚傳戰伐新邊塞無勞飛箭檄  
城郊爭報饋羊醇二周文物思宗魯六國權謀畏帝秦

寄語胡戎休嫉視日東 天子本同仁

送西村

國三學士從軍

腰間三尺劍欲拂戰塵昏報國男兒事死生何足論

秋懷二首

秋風蕭瑟入簾帷景物淒涼節序移蟋蟀哀吟依短草  
梧桐黃落下高枝驚材常愧百金骨魚目聊珍幾句詩  
告老行休何幸甚山林耕讀未全衰

措大當年氣若虹頭顱暗換被呼翁中宵尙發聞雞歎  
一管欲凌汗馬功身後有名何自信眼前養拙卻應工  
行吟負杖親樵牧要爲明時繼雅風

明治節讀上海戰報

吳天又植菊花秋伐罪弔民追越會一百一聲皇禮砲

凌晨送彈虜營頭

題紫明閣

十一月二十八日社集

自我登斯閣不知經幾年年年看愈好山秀水娟娟

遷宅

十一月二十六日蔣中正遷其政府于重慶長沙

王師百萬日長驅峻塞湖城視若無落落山河文武遁  
欣欣草木寡鰥蘇抗秦誰道楚三戶會孟人憐殷獨夫  
但使生民苦塗炭不降遷宅曷為乎

虜窟

江南木落雁聲疏諸路縱橫齊出車雄劍耀天營壘碎  
翔機爆地市城虛百官未上宋家表一箭早飛燕將書  
指日神兵望建業豫知虜窟壞為滫

問超然病

冬日南簷問病來負暄相對撥寒灰可憐牆外溪梅瘦  
安得即時春色回

雪江五年祭筵書懷

十二月五日

一哭芳魂已五年楓殘茶白景依然老懷欲見雪江子  
今在兩間何處邊

聞南京捷報

滿城鈴響捷書來破敵陷京何壯哉砲礮夜飛真武閣  
旌旗晨閃紫金臺江山如畫謀臣盡天地無情豎子哀  
父老要須各安堵吾皇恩澤與春回

續賦四首

摧陷南京我武揚淵衷神算仰吾皇伐謀終制蘇英  
暴任相先求房杜良燈火漲成聯璧海旗雲翻似百花

場大呼萬歲歡無極拜向宮門三獻觴

征西金鼓遠踰洋大捷新傳陷建康四月轟雷空陸海

同心刻骨水風霜趙城日照幟皆赤楚幕烏棲柳失黃

聞道虜酋南遁去十二月七日曉逐奔唯合掃機槍

砲丸雷擊破環牆多壘名都新戰場屍積轅門弦月暗

梟悲街樹鬼燐光中山陵下摩銅狄北極閣邊哀國殤

不用漫成興廢歎鬱蔥王氣起東方

三軍奏凱陣堂堂齊入江南佳麗鄉霜劍拂雲淮水綠

紅旗映日楚山蒼討奸誰草陳琳檄刻頌宜裁班固章

未可殘生輕自廢赫天勳業藉詞腸

冬日赴講堂有感

落寞雍林寒上曦侵霜來赴講堂期老吾猶恐良先在

略似授書黃石師

北山

二十九年升講臺夙知樛樞屬非材三朝事業詩千首

下戶生涯茶一杯衰朽被容異秋扇優游待息是疲駘

寒潭水綠松林靜明日北山歸去來

丁丑歲晚行樂社集書懷二首十二月十九日  
近重物庵東道

會于前川氏別館在  
鳴瀧福王子神社南

早歲雄豪隘八洲壯來竟與廣文儔辟雍交接三千子

樂社行吟十九秋行樂社名始  
于大正八年不待決疑勞卜尹頗思

避俗似瓜侯林廬得去寧非幸憾有君親恩未酬

半生常背舟藏壑不日將為鹿赴林天霽何邊堪嘯詠

冬烘此地好登臨闌前蒼翠寒山色坡底潺湲流水音

絕海王師方戰鬪逍遙愧有遂初心

丁丑歲晚二首

漏永山城擊柝稀  
風林葉撲讀書扉  
江湖水落羣龍蟄  
霄漢雲開一雁飛  
緩急每懷常棣痛  
悲歡轉覺蓼莪非  
故園墳隴蒼苔滿  
衰疾年來未得歸

夜靜小齋燈影長  
歲窮寒菊共留香  
連衡嫌彼舌猶在  
憂世笑吾腸尙剛  
少婦城南悲垤鶴  
將軍塞上射天狼  
文園司馬今誰是  
諭檄安能平萬方

豹軒詩鈔卷十四

豹軒詩鈔附錄

北越 鈴木虎雄 撰

愁思賦

明治三十一年戊戌

嗟蒼蒼之無窮闐沆寥兮曠廓陟高岡兮徘徊望遙岑  
兮峯嶸曉宿森而爛爛平原空以漠漠痛別浦之哀鴻  
驚愁天之寒鵲獨余懷之可傷心紆鬱兮熱灼嘆今古  
之桑滄悵天地之橐籥何人生之多艱嘗每事而盤錯  
若夫荆卿入秦臨易水兮別丹白日兮光薄玄淵兮波  
寒悲歌擊筑怒髮指冠舞陽色沮一去不還若乃靈均  
忠良而見逐賈傅貞正以遷移羨洛陽之雲日慕鄂渚  
之蘭芝何鸞鳳兮在笈乃鷓臯兮巢籬俗溷濁兮潰亂

競尊沓兮乖離見雨雪之繽紛先集惟霰睹葳蕤兮蒙  
茸先暢惟萊豈涇渭之可同亮玉石之難齊懷眇眇而  
慘怛思蹇岕而淒迷至若晉宋之季世中原陸沈衣冠  
奔崩鑿輿播蕩燕雲旦震江淮夕盪欽王謝之英風怨  
秦賈之標榜懷琬琰而不顧質砒砒兮見寶緣閨闈兮  
固寵擁萬乘於綉襪非叡智之歷官是賴巾幗而上猗  
嗟忠臣可慨以慷曠尙方之寶劍不能斬兮罔兩乏折  
檻之烈士失幽壑之巨蟒嗟日影兮拂扶桑倏晚兮  
薄虞淵哀羣醜兮蠢動埒獨樹之秋蟬貪一滴兮朝露  
委萬年兮暮煙監天顯之孔畏傷時俗之險穉秣余馬  
兮蘭岡攬瓊藥兮紉帶樹明月之彩旗擁虹蜺之翠蓋  
與麈鬣兮爲羣漱沆瀣兮醜謁步鬱林兮嘯歌臨白石

兮聽瀨對青山兮看雲忘天地之否泰桂湖村曰寫出

見奇峭其葩采幽茂選詞雅麗優有楚人遺韻文苑安  
華收符載愁賦一篇結構大抵與之相若其末句云安  
哉得百斛之醇醪似不使斯愁也霞開而霧散者  
雖佳而猶似不及聽瀨看雲之高朗也

離憂賦 明治三年己亥

繫余心之悵悵兮迴九腸之怫鬱怪有何憂而離此孽  
兮隱怛怛而戰慄耀靈赫曦而拂扶桑兮倏望虞淵而  
西逸望舒淡蕩而懸素規兮飄沈崑崙之律峯日月旋  
轉夫隱有見兮余情之來兮沒還出平原萋兮紅葳蕤  
潢潦汜濫而橫溢曠郊曖兮碧旖旎霜雪脍削而不恤  
知憂愁之戕吾性兮無奈搖心兮若乘駟命僕夫而嚴  
駕兮試登高而縱望橫絕四海兮馳目唯覺血淚之浪  
浪懷宓妃兮河洛慕帝子兮瀟湘悲太史之杳音兮悵

交甫之遺香望長川之蜿蜒兮睹浮雲之飄颻沿芳杜  
而趨趨兮上寒皋以彷徨若有人蘭之渚兮結白蘋兮  
幽處沿芳蓀之玄淵兮憩杜若之孤嶼櫛清風之泠泠  
兮晞太陽之煦煦輕芙蓉之出水兮蔑璧月之昇霞瓊  
神兮瑤質閒雅清和目兮點黑漆眉兮刷翠蛾丹脣兮  
皓齒擘兮含朱華秀領兮延頸茁兮抽素芽雙肩兮豐  
膩細腰委迤豔姿兮綽約柔情兮清婉行若皓鴻舞回  
風兮趨若遊龍攀蒼巘臨清泉之澄澈兮鑿約素之嫵  
婉文魚噴波而驚逝兮白龍失窟以偃蹇於是翻焉迴  
體而舉趾兮白蜺裳兮紫雲衣履仁義之方襪兮冠道  
德之畫翬珥幽閒之瑤碧兮珮貞正之珠璣見余兮目  
成忽動魄而消魂揚脩袂翳玉顏兮思公子兮未敢言

隱余心之殷殷兮慙厥懷之靡靡厥心之思余兮未如  
余心之悅懌女美仰高天兮嘆息從洪河之涯淡杳彩  
裾之瑤塵兮念佳期兮不能已以鵬程而揣脩短兮神  
人相去不知其幾千萬里恍惚兮遠望見潺湲兮流水  
思夫君兮不可從將弭節而迴轅只羌蹇夷猶乎江渚  
兮何人兮中流風颯颯兮吹衣波洶洶兮濕裘余將歸  
兮君兮須誰余將反兮故丘君何爲兮中洲嗟彼美之  
淑真兮誠思余兮不能忘攘素腕兮臨石淵攀芙蓉之  
芬芳攬瓊藥兮插余帶忽忸怩以潛藏將爲余築室兮  
江中園蘅芷兮郁烈誅蒺藜兮蒙茸薜荔兮爲櫺桂椒  
爲棟蘭蕙帷兮芰荷篷兮裁雲錦服兮居紫貝宮兮茯  
苓充膳兮沆瀣兮盛筩彈朱絃兮鳴素桐兮笑洪厓之

局促兮憐王母之倥侗停翠蓋兮將就靈迤逦巡兮內  
 省悲矣哉無良媒以通辭兮何能強暴以亂貞靜喜修  
 姱之嬋娟兮欲禮防以自警羌四時之代序兮恐佳人  
 之不永謁天宰兮馳八極聊逍遙以忘憂鞭義和叱飛  
 廉兮日月為輪螭龍負輶服霞裳之披披載雲旗之委  
 蛇驅飄忽兮颺颺凌閃轆兮雷霆叩勾芒之青門兮排  
 祝融之朱扃揖蓐收之素闕兮窺玄冥之黝庭周流六  
 合靡所逢兮忽顧江嶼以墮淚外慕修容以傷心兮內  
 感貞質以痛志款接之未能致兮悵吾子之永棄見佳  
 人兮招予獨蹇嵯而如囚道余馬兮曠郊反蓬蒿之故  
 丘心惄惄而如飢兮懷慘慘以增愁夜耿耿而不寐兮  
 思夫君兮徒離憂

桂湖村曰纏纏數百言雖皆綺靡之辭要不失溫柔敦厚之旨是藉齊梁

之浮豔以寫楚人之殷憂者琦葩繡葉金箱璧錯何損其風骨

孤嘯賦 明治三年己亥

噫嘻悲哉此生之不休兮獨憤積以噎噎倚廢除而悵  
 望兮瞻浮雲之翳翳日陰陰而巨嘯兮風颯颯而吹袂  
 鳥竦竦而戢翼兮獸耿耿而赴裔怫鬱憂愁夫何收來  
 兮迤邐紆軫予何佗僚絕脰折脅曷忘溝壑兮脅肩詔  
 笑寧裝視睇拔長劍以充胸兮思排虛而謁帝嗟時俗  
 之未綏兮焉孤挺以攀桂周流六合而觀險易兮翱翔  
 九衢以察醜醇關結綺之朱闈兮窺補甕之蓬門訪滄  
 溟之鐵舶兮過鄙圃之柳樊說緇銖之非休福兮獎道  
 德之永真祥大聲而疾呼兮謂予為狂計較而誑人兮  
 謂彼為良曰狂予何怨兮曰良予惟傷孔營營何戀魯

兮孟嘖嘖兮何遊梁莊蕩蕩何辯和理兮伋皇皇兮何  
說中誠或激世而放歌兮或憐世而救匡衷懷惻隱之  
難遏兮外執操行之揚光願督迷之一覺兮準榘矱以  
每防濟邱壑而裹糧兮在闌闌而退藏立德樹業而詠  
風兮開物成務而鳴琴或長江之涸渴兮大山之陸沈  
平原之爲垤兮亭亭而執心水潺湲兮送音風芬苾以  
開襟流韻之攸覃及兮嗟予浩蕩以久欽固時俗之顛  
倒兮予怵憚而鬱結毛嫵醜惡而不顧兮媼母麗姣而  
撫悅駑駘截風而纏錦兮騏驥臥櫪而縛舌鳳凰潛而  
野雞驕兮荆棘茂而蘭蕙折雜琬琰與瓦礫兮亂江蘼  
與瓜瓞悲獻玉而被刑兮焉負版而見挈繫陰氛之漫  
漫兮陽德耗斲而斷絕悵玉石之混淆兮社鼠踔躍之

營穴願舉忠正之侃諤兮試淑哲之峻潔方廉以司穀  
兮剛毅以司卒敦厚以司教兮賢明以司鐵遺貢與我  
折衝尊俎兮回也與由以職文鉞吾徒當國三載舉績  
兮皇天無耳淚泡撒振已矣哉莫我聽兮下階除徒趨  
趨草蓬蓬而施宇兮孑蠢蠢而盈渠犬唁唁而盜羹兮  
狐嶽嶽而牴諸嗟德之靡施于私室兮政焉有敷于邊  
垠教之未立兮化之焉均法纒纒而日密兮業潰潰以  
月淪嗟飢寒之不能給兮焉暇顧其鄰俗澳溼而趨利  
兮士恬熙以違仁羊牛陷坎夫何罪兮牧之弗省逸埒  
放棄是下民之擾擾兮惟鉅室之昏昏懷殷周之賢哲  
兮慕希羅之靈脩思明德之依智顯兮信大業之由德  
收不二私德與公德兮駢立教化與政治東西聖之攸



見兮雖異迹而同志惟今之耄誠不能提撕兮獨怪丈  
夫有血氣者何以不奮起繼前世謂放曠爲濶達兮謂  
恭敬爲檢束自任己卑瘠兮猶何怪所合者漫然沃也  
工雖拙而從矩兮射雖粗而張的予將耿耿而惠迪望  
前路之悠悠兮悲從者之落落風慘慘而吹野兮雲滅  
滅而填壑霧溱溱而被林兮雨冥冥而灑薄猿嗷嗷而  
陰哭兮鬼峭峭而淒謔有美一人女蘿下兮執予手而  
相樂塵雲君以凌天兮度長空之寥廓袂紫霞之靡靡  
兮袖素煙之濯濯左拂扶桑之翳翳兮右撫崑崙之峩  
嶢大地以爲琴兮虹蜺以爲絃揚鸞聲之涓涓兮歌南  
風之淵淵天漢以爲樽兮北辰以爲杓酌瓊漿之激灑  
兮洗肝腸之焯爍神清靜而幽墨兮靈雄活而澹泊嗟

我非與斯人兮誰與終考槃之寂寞

哀清賦

並序  
年壬子 明治四十五年  
二月十八日

序曰 神聖登極四十五年二月旬有二  
日皇天降喪于有清清帝辭位舉其冢宰  
袁某假攝萬機從約湖南改建政府肇造  
國會俾以殷薦民主于皇天昔在帝堯禪  
舜曰咨爾舜天之曆數在爾躬舜亦以命  
禹薦賢讓德三代之所同然而國無君長  
者自古來未之有也惟夫滿清以異種臨  
區夏叡哲代興湛恩龐鴻賢德在下未軼  
唐虞一旦變起荆湖秣陵失守四海響應  
君爲獨夫釋乾綱而不張委民政以自治

是非常之大變也何則內恃闇昧外侮文  
明宗臣傾奪鉅室竊權先閹閱之得喪而  
後億兆之休戚也是以邊警頻至境無敢  
死之將軍餉將賦廷有匿賞之臣以十九  
省之大三百歲之渥而不能抗于鉏耰棘  
矜木兵竿旗之衆楚人一呼可憐運移亦  
必至之勢矣嗚呼山岳崩頽草木悽愴舉  
目有風景之異孰其致之社鼠城狐嗟夫  
狐鼠不獨自禍亦覃及于其城社世之爲  
顯臣者可不鑒焉哉作哀清賦其辭曰  
羌何天命之靡常兮倏違胡而漢眷惟乾坤之寥廓兮  
國星敷而棊變強淵默以雷聲兮富戶居而龍見顧弱

肉之可攫兮何昧邦而可建舉賢良以圖治兮任叡智  
而無倦汲孳孳猶不及兮愚闇闇卻招怨民渙散而乖  
離兮臣澳澀以誇銜況天潢之汜濫兮埒瓜瓞之穰穰  
據顯位以專權兮跨飮土而置莊裁錦繡以成帷裳兮  
盛金玉而充稻梁集鹿臺之財賦兮築金谷之陂塘陋  
許史之熏灼兮笑王謝之焜煌惋利欲之愆己兮紛狷  
狷而蝸蟻夫二邱之傾奪兮駕八王之猖狂迨柳樊之  
未成兮釀禍亂於蕭牆盜賊起於山東兮君臣顧其倉  
皇鉏耰棘矜兮首唱湖峽青絲白馬兮席卷建業民心  
一去兮疆臣坐憎厚賞雖懸兮納款棄甲磊歲養士兮  
無一義人九土芒芒兮滅斯常倫計竭策盡兮不慮後  
災起先皇之逆讎兮支大廈之敗頽借巨盜以管鑰兮

忘僞忠之奸回  
慧孤兒與寡婦兮  
孰其托以鹽梅  
登闔闔之崢嶸兮  
望邱嶽之崔嵬  
遼河紆以盤曲兮  
白山巍其嶽巖  
邈浴池之遺卵兮  
慘表鶴之永思  
九廟噎其無光兮  
四夷紛以並馳  
覲皇輿之敗績兮  
臨社稷之阽危  
諸宗室亦嘗騰兮  
托閭寄愈狐疑  
嗟信師昭之謀圖兮  
不知操卓之詭隨  
玉璽矯其可蓋兮  
寶鼎輕而將移  
鯨鯢截浪以北嚮兮  
梟獍嫵媚而跳舞  
莫狐兔之匪赤白兮  
豈豺狼之辨馴  
蠱或勤王而倒戈兮  
或討賊而緩鼓  
威是羊質之城虎兮  
誰敢中流之砥柱  
哲婦旣不悟兮  
懦王又遽處會本朝  
之大臣兮  
詢旗盟之謀父  
非賈韓之佞柔兮  
則檜倫之莽鹵  
先一身之安危兮  
忽王室之薄祜  
藉生民之炭塗兮  
墜前王之鴻緒  
惟往昔之禪讓

兮穆垂拱而優游  
舉一人而司羣后兮  
熙百揆以通輿  
謀何今日之辭位兮  
與前典之不侔  
遭要劫之鬻沸兮  
讓共和之祥休  
名雖美而實喪兮  
大憝興而無休  
惟劉氏之已滅兮  
王莽忸怩於垂旒  
夫姬家之東營兮  
公且述遭乎卜周一  
君去而一君在兮  
億兆喜而億兆憂  
惟雪霰之未集兮  
誰牖戶之綢繆  
固出爾之反爾兮  
雖百悔無奈何  
望虞淵之落日兮  
思魯陽之揮戈  
及皇綱之未絕兮  
或陰陽之可和  
今勢去而運移兮  
已民離而時過  
縱扁鵲之神巧兮  
膏肓爛而莫劑  
嗟一旦之雍熙兮  
化千年之寂寞  
去萬乘之尊位兮  
就二王之賓列  
雖無青衣之行酒兮  
莫似白蛇之流血  
悲趙孤之恹恹兮  
纔免厓山之溺滅  
痛秦嬰之嬉戲兮  
未知軹道之慘烈  
仰

父顏以睢盱兮牽母衣而夷悅形庭闈以無人兮繡屐  
嶷而徒設闕玉殿以暝坐兮掩朱扉而哽咽循景山而  
徙倚兮禽鳥噉以哀別臨太液而容與兮柳荷暉而敲  
折芳苑日以苔積兮曲池時漸水渴憐銅駝之臥荆兮  
悲麋鹿之排埒懸明月以魂消兮對春風而腸結嗟蘇  
臺之荒涼兮感雍門之善說羨蓬山之寵嵒兮惟神聖  
之別宮山河澹而峒崕兮松柏暖以鬱蔥民擊壤而鼓  
腹兮忘帝德之龐鴻得仙輔而不失兮斟民意能疏通  
必皇天之降福兮運天地與無窮

王靜庵曰前從日本及日本人中見大著

哀清賦僕本擬作東征賦因之擱筆

靈芝賦

並序 昭和三年戊辰二月

序曰半農先生延予觀於後圃蔽蒿蔓衍

松杉翳蔚東偏枯梅一樹細篠環生先生披叢謂曰得無所見耶就而視之有物偃蹇紫蓋朱莖離立而矗予曰嗟乎芝也曰子無之異也比年常有我采而藏之出一銅滴所插纍纍六七莖皆此物也予歎曰物遇人而爲瑞純德之至應哉焉可無賦于是乎賦之其辭曰

侯洛邑之東牧兮寔皇都之奧區托叡岳之坤維兮據辟雍之乾隅面巖業而創宅兮帶潺湲而構居縛茅竹於閒敞兮誅榛棘於荒蕪喜編戶之有鄰兮樂仁里之成廬服先王之大道兮玩上世之遺書求微言於百氏兮指正中於歧途春秋忽其代序兮忘日月之疾驅育

俊秀以上薦兮及遲暮而自娛豈有德而不酬兮謙光  
闇其日昭嗟天道之達順兮降奇瑞以建標涉後圃而  
踟躕兮穿荒逕之窈窕松杉鬱以蕭森兮藪蒿誕其繚  
繞巡枯梅於東偏兮識靈草于細篠擢朱柯而偃蹇兮  
傾紫蓋以天矯霞軒軒而承陰兮月亭亭以臨表擎清  
露之溥溥兮陵素雪之皓皓凝玉膏以成體兮潤元液  
以吐香蟲獨立之奇穎兮流四照之神光夫牡丹芍藥  
之韓擘兮當玉階而輝煌櫻杏桃李之妖豔兮蠱衆目  
而跳梁苟異趨而殊操兮何競飾以鬪粧尙楚鬼之采  
秀兮陋漢臣之歌房去雲衢而幽處兮對巖岫以密藏  
易陳菱之托根兮蔭朽株以旅行連椒桂而敷景兮錯  
蕙蘭以聯芳招翔鳳於雲畔兮起潛龍於石傍念昔人

之高踏兮厭俗累而遜世雖洗垢而潔己兮或矯枉而  
拂戾惟先生之屈信兮察時義而適勢求平林而道德  
兮御安駕而六藝匪必深谷之逶迤兮循夷途而容裔  
就灌莽而爲商山兮俯涓流而視延汭攜三茅而長嘯  
兮邀四皓而共憩寬盤桓而植杖兮望白雲之搖曳愴  
優游而無悶兮侔尼父之卒歲

賀 皇太子納妃表

大正十三年一月四日草  
代京都帝國大學總長

臣某等言 臣等讀宮內大臣告示伏聞 聖旨稽用前  
典昭命 元子爰于今年正月令日吉辰立配青宮助  
治春禁者凡在臣庶孰不感悅 臣某等誠歡誠賀頓首  
頓首恭惟 天皇陛下惟睿惟聖乃武乃文蕩巍比德

續 祖宗之高猷兢業希治開孫子之景福主鬯之位  
早定大統攸歸副禕之號方敷內理逾弘伏以 皇太  
子殿下毓德承華養才寶序孝友夙著溫文在躬祇奉  
義方恆持恭敬問安視膳邁周儲之勤思遜志求賢延  
商英之翊輔出震省方四海繫又新之望承乾監國萬  
邦徯於變之雍于是禮命載崇物儀斯備元良迎相升  
玉度乎天潢柔明作嬪嗣徽音於椒掖順道資始王教  
有源祥徵豫呈宗祧式衍中外合和上下同歡臣某等  
際會昌運沐浴湛恩叨職成均幸逢令典無任忭躍欣  
慶之至謹奉表陳賀以聞年月日具官職位勳臣某上  
表

賀 皇長孫誕生表

大正十四年  
十二月擬撰

臣某等言恭讀宮內省告示粵十二月某日 皇長孫  
誕生者慶章始布率土咸歡臣某等誠喜誠賀頓首頓  
首伏以 天皇陛下惟聖贊化至仁同天紹隆丕基懋  
昭先德繩作孚之遺武啓垂裕之鴻休恭惟 皇后陛  
下正位金卮履貞彤庭配宸極而毗皇綸脩女順以暢  
陰教溫惠內備光華外形是以孝治惟彰典祀式茲早  
定大本深懷永圖建元良以居儲宗社依賴擇慎固而  
作相神人燕寧于是道凝太和祥發上嗣篤生蘭秀衍  
一系之璿源誕育桐支廣无疆之寶運重暉疊震纘戎  
之業彌光繼照奉乾燕翼之謀有託臣某等肄業上庠  
預聞國慶無任欣忭踊躍之至謹奉表陳賀以聞臣某  
等誠喜誠賀頓首頓首謹言年月日具官職位勳臣姓

名上表

賀 皇弟成婚代昭和三年九月十九日草

維昭和三年歲次戊辰九月甲辰朔粵二十八日辛未  
具官某等七千九百餘人啓伏觀公報 皇弟秩父宮  
殿下歷日協辰茲于本日以子爵松平保男姪女爲妃  
上下均歡遠近胥悅 某等誠歡誠喜頓首頓首伏惟  
皇弟殿下璿源宗派棣萼懿親托重翰城修令尉校英  
姿嶽峙德器淵深尙質息華時俗丕變衛體養勇民瞻  
翕歸何翅垂則寰中固已翔聲域外 新妃殿下鍾休  
珪門發秀朱邸采凝韶歲曜章笄年芳訓早敷風徽遠  
映六行兼至四教無遺爰用備物之蔚儀以正輝序乎  
懋冊載升蘭坂作相桂巖齊玉軌于邃宮衍金枝於奕

葉可以贊人文之化可以弘王業之基 某等遭際昌期  
服在太學如升如恆虔祝熾昌之榮若茂若苞敢願綿  
延之算謹奉牋稱賀以聞 某等誠歡誠喜頓首頓首謹  
言

賀登極表昭和三年九月二十日草報長評議會代京都帝國大學總長

臣某等言伏讀七月二十六日大禮使報定于十一月  
吉日令辰舉卽位禮及大嘗祭之儀者慶均羣生歡騰  
四表 臣某等誠歡誠抃頓首頓首蓋聞統天立極國體  
之殊風明祀奉先政治之大本是以 列聖一揆功存  
撫綏兆民同心要歸忠孝伏以 天皇陛下道合彌綸  
德兼覆載聖謨神化武緯文經居儲以來孝友夙著嗣  
服之後祇勤滋深前猷以弘丕構逾固 皇后陛下溫

恭成性靜專在躬體順履和配俊德于宸極睦親厚惠  
 奉徽音於椒闈陰教內修素風遐邇尊遵成憲式舉上  
 儀荷三殿之鴻休升一系之寶位聯輝黃道儷曜紫宮  
 和會民人昭示神器之有統薦享神祇光膺炳靈之永  
 孚四萬四千方里之版圖無思不服二千六百餘年之  
 廟社雖舊又新臣等保生京邑服事上庠夙浴湛恩重  
 瞻曠典無任欣歡踊躍之至謹奉表陳賀以聞臣某等  
 誠歡誠抃頓首頓首謹言昭和三年十一月十日官職  
 位勳臣某上表

賀登極表注

統天天象猶言宇宙也統天二字假用易乾卦立極言極  
 尚書洪範文洪範曰皇建國惟神極之道也皇建其有極僞

極孔傳皇大明祀古制明祀政典一也致皇朝奉先也言敬事祖之先  
 中尚書先思孝太甲列聖以下皇歷代聖天子也宗一揆度  
 聖也後聖其揆一也先撫綏甲上愛曰撫保安也語又見周官太  
 惟綏厥民萬同心曰汝其民也忠克治天億兆教一育心世語  
 邦綏厥民萬同心曰汝其民也忠克治天億兆教一育心世語  
 此濟其美是語見國體之精華而曰育之淵源亦存心于  
 德同彌綸能彌言天地之功道正易繫辭曰彌謂與縫地合綸故  
 謂經綸覆載之謂天地之中庸載聖謨神化之聖德也天子  
 牽引綸覆載之謂天地之中庸載聖謨神化之聖德也天子  
 活化兩字居儲疏儲廣曰太子子國儲副君書嗣服帝之嗣事  
 也語見朱子詩注大雅事也武嗣曰先王之言思昭也祇勤于修德  
 小也語見朱子詩注大雅事也武嗣曰先王之言思昭也祇勤于修德  
 堂構也尚書大誥若考作室既溫恭子論語而謙讓  
 底法厥子尚書大誥若考作室既溫恭子論語而謙讓  
 以得靜專易詩繫關辭唯上窈窕第五章夫乾其靜也貞專又曰善夫



坤其靜	體順履和	也坤	俊德	言天	皇之	聖德	也尚	書
也坤	俊德	言天	皇之	聖德	也尚	書		
大曰俊	偽大也	堯之	宸極	之帝	居地	也	睦親	族言
也	奉徽旨	大言	雅奉	皇太	后之	旨也	詩椒	闈言
也	女教也	周禮	內宰	職以	陰	素風	樸也	之遐
及而高	言揚聲	遠	成憲	說命	既中	監于	古法	也
也	秦美言	至改	定儀	禮祇	也上	儀	荷休	詩商
三殿	皇朝之	制賢	所皇	靈殿	非神	殿謂	之舍	也三
聖曰人	位之大	黃道	指日	月重	之所	天經	今	紫宮
會僞	孔作新	曰大	四邑	于東	國大	洛四	方悅	民集
十來	九天皇	所傳	下承	之器	種	可為	也神	今器
神祇	言天大	嘗地	祇所	也享	祀	炳靈	之神	祇赫
邦遠	其信也	于神	祇信	之者	厚	則	于天	位永
安	尚書	太甲	佑					

儀下	刑文	王詩	萬邦	雅文	作孚	王版	圖注	見周	禮戶	籍天	官司	會職	鄭象
廣地	無思	不服	文見	詩大	雅聲	廟社	稷也	廟社	舊新	社此	固言	廟	
而	今又	逢新	興之	運也	詩大	雅文	王周	雖	京邑	言	都	之	
也	服事	于猶	言從	事也	與	服事	上庠	學言	大	湛恩	劇	深	美
新	鴻恩												
賀	皇弟	成婚	辭	昭	和	三	年	九	月	代			
粵	觀公	報	皇弟	秩	父	宮殿	下將	納子	爵	松平	保	男	姪
女	為	妃	今	月	十	四	日	納	采	二	十	四	日
舉	緝	儀	伏	念	皇	弟	殿	下	毓	秀	天	潢	聯
異	剛	健	生	成	典	學	東	西	荷	海	裔	之	瞻
屬	之	敬	親	治	兵	之	餘	講	藝	之	暇	跋	涉
化	所	被	士	氣	勃	興	新	妃	松	平	氏	挺	生
均	軒	詩	妙										
附	錄												

均軒詩妙 附錄

端淑柔嘉無由傳教聰敏明惠顯有世聞今擢四行之  
清標以膺六禮之茂典本支之蔭繁衍若竹松藩翰之  
基堅固如磐石羣情均慶百福咸宜乃代京都府教育  
會會員一萬五千人仰獻萬年之壽

賀登極辭 昭和三年十一月五日  
代京都府教育會長

嚮讀大禮使報法駕西幸本月十日舉即位之禮十四  
日修大嘗祭之儀者凡有知識皆均慶幸伏以 今上  
陛下道光今古德通幽明四方和平庶物生育爰率舊  
典以舉盛儀躡寶位于紫宸致誠享于祕殿神人交泰  
中外瞻依民生昌榮同草木長進皇統悠久比天地無  
窮本會員等際會明時教育為任想望盛事欣喜非常  
乃代會員敬頌 聖壽之無疆

賀 皇長子誕生表 昭和八年十一月草代  
京都帝國大學總長

臣某等言接文部省報某月某日誕生 皇長子者慶  
溢宮廷歡交區于 臣某等誠喜誠賀頓首頓首伏以  
天皇陛下道體覆載德同照臨孝治至隆文化無比恭  
惟 皇后陛下配位紫極履貞彤闈慈育羣生愛保萬  
類于是祥發先裕氣協太和神胄篤生銀潢衍于一派  
天枝彌茂寶祚延于無疆 臣某等從業大學預聞國慶  
無任欣忭踊躍之至謹奉表陳賀以聞 臣某等誠喜誠  
賀頓首頓首謹言昭和八年月日具官位勳 臣姓名上  
表

豹軒詩鈔附錄

弘文堂承印

昭和十三年一月二十日印刷  
 昭和十三年一月三十日發行  
 定價金 五圓

編輯者 鈴木教授還曆記念會  
 代表者 倉石武四郎  
 印刷者 早崎編之助  
 京都市左京區田中西浦町四〇

發行所 弘文堂書房  
 東京神田區駿河臺 電話東京五三九〇九  
 東京神田區三ツ又二丁目 電話東京二七五二  
 京都中區西浦町 電話京都二〇三二五  
 大阪上郡 電話大阪九

終